

民國肇縣志

鞏縣志卷十四

邑人劉鎮華鑒定

邑人 劉蓮青

纂輯

張仲友

邑人劉鎮海參閱

固始萬自逸讐校

列女志

節義貞烈實里巷風化之原揆其堅苦卓絕恒爲士大夫不克逮詩人之所以詠柏舟也已西志首列宋溫成張后非誼也故刪之要其著錄亦云富矣茲更博加採訪視其所得且倍蓰而不止夫委巷窮檐煢煢弱女子亦惟不負其意而已豈欲藉以博身後之名哉然任其湮沒而不章則執簡者何所逃其責故於此彌兢兢焉志列女

元

韓氏張裕妻裕拜右丞相韓氏贈梁郡夫人元末北京城破裕以身殉全家死節

明

韓氏庠生劉麟妻正德七年覆州賊起劫掠至鞏韓氏避亂山寨賊見韓氏國色欲犯之韓罵曰我良家子肯從爾狗彘賊怒取韓所抱幼子殺之韓罵愈甚遂被殺旁

一張姥以老陋脫白其夫劉劉收屍葬之詳長洲鄭瑛
記事碑

李氏常自省妻夫卒守節正德間賊至自縊死

張氏譚恩妻夫故守節正德七年賊至遇害

趙氏康流來妻夫死洛水趙聞之沿河呼號不得屍遂投
水越三日二屍同出有司立碑旌之

李氏喬作霖妻明末作霖死於流寇李抱夫屍哭亦被殺

見豫變
紀畧

王氏朱之臣妻夫卒年十八縊死柩前

魏氏姚丕顯妻被賊掠紿有埋金借賊刀掘金遂殺賊自

鞏縣志卷十四

列女志

二

經川圖書館刊

投井死

郭氏生員姚麟徵母居魯莊寨明季李際遇亂郭諭子死
守事迫先自縊死麟徵被難後妻楊氏偕三妾俱以身
殉

王氏生員姚城妻城父若時死於土寇李際遇城請兵討
賊復仇謀洩被殺王氏聞之投井死

張氏知縣原鳳起妻崇禎癸未寇至死節

路氏生員曹伸妻夫死投繯以殉事聞旌表如例

康氏生員張本善妻崇禎癸未流賊破城死節

張氏王之璽妻之璽亡事繼姑盡孝

張氏劉澤遠妻婚未逾歲夫亡年十六矢志撫遺腹子事舅姑備極艱辛

李氏閻忠卿妻崇禎庚辰佐夫散粟救荒全活甚衆夫死守節教二子終身同炊子孫皆入庠

張氏孫得盛妻夫被誣斃獄氏白其冤後投井死事聞蒙旌

劉氏張嘉誠妻夫死守節蒙旌

失名氏姑婦俱孀遇流寇將殺姑婦哀求身代得全活

李氏鄭慈妻同村惡少欲辱之氏大罵被殺蒙旌

張氏劉期達妻賊破城夫被執扶姑逃青堆山下賊至將

鞏縣志卷十四

列女志

三

經川圖書館刊

殺其姑懇以身代賊扭其髮姑始得釋

李氏張本立妻年二十夫故守節教二子成立蒙旌

李氏知州康偉繼室年二十二偉死孀居撫孤成立未幾

其孫亦沒婦凌氏亦孀居撫孤紹禹與姑同操

孫氏生員李穩妻生子一歲而寡氏年二十家貧撫孤勤

織紡雖至親罕見其面

邵氏張樂堯妻夫死撫幼子事老姑以節終

周氏喬第妻年二十四孀居奉翁姑以孝稱

清

崔氏張體仁妻夫歿年十九守節四十五年以終雍正三

年旌表

趙氏閻珣妻年二十二而寡撫孤孝姑守節四十七年而
歿蒙旌表其子亦入庠

張氏寇家灣庠生趙潤芳妻年二十二夫歿矢志守節撫
其弱孤子亡復撫繼孫苦節六十二年旌表

按舊志張氏婦李氏亦守節先張氏卒

牛氏李振德妻年二十五夫歿守節孝事二親撫其孤子
四十年如一日蒙旌表

王氏庠生劉斌妻夫歿事舅姑孝撫繼子成立入庠蒙旌
表

以上見王通志

李氏舊城內廩生張秀古妻子歸後勸夫奮志讀書秀古
歿親老子幼翁初喪明嗣與姑相繼歿氏雖貧殯葬無
失禮長子婦柘氏又早逝遺孤名鞏伶仃蕭索氏教育
有方名列庠序乾隆二年旌表

馬氏吏員白心明妻年二十八夫亡守節三十二年舅卒
事姑維謹教子義方和娣姒乾隆元年旌表

王氏迴郭鎮李子恭妻年二十五夫歿遺子甫逾月氏引
刀自裁姑泣勸止毀容強飲紡績奉翁姑翁姑沒喪葬
皆盡禮守節三十九年歿乾隆三年旌表

張氏神堤庠生孟大有妻年二十九夫歿矢志守節康熙
六十一年歲大饑雖糟糠不給紡績鬻衣鞠養嗣子成
立乾隆元年旌表

李氏迴郭鎮儒童馬昇妻夫故年二十七守節孝事舅姑
教子成立舅姑歿葬祭如儀家故貧屢遭荒歲鬻衣剪
髮易食全家得活乾隆十年旌表

趙氏張集妻性至孝六歲喪父哀毀不欲生十七歸集盡
婦道夫歿仰事俯畜備嘗荼苦守節四十二年乾隆四
年旌表

李氏白純妻年十八適純純歿欲以死殉姑數勸諭乃已
姑歿氏哀毀成疾教嗣子慈而嚴守節四十一年旌表
孫氏韓丕顯妻丕顯歿氏年二十三身任子職得舅姑歡
舅姑歿終身永慕未嘗少渝卒蒙旌表

趙氏崔傑妻年十五適傑二十一傑歿養老撫孤艱辛備
嘗二十一年如一日卒蒙旌表

張氏吏員崔雲翼妻年二十六夫歿子甫六月家貧紡績
以供翁姑翁姑歿竭力殯葬守節教子三十一年卒蒙
旌表

劉氏監生崔鴻翼妻十六于歸越三載舅歿夫亦亡無子
氏取夫兄子遇丙姑又歿前後祔葬盡誠盡孝守節二

十九年卒蒙旌表

段氏迴郭鎮李子隆妻于歸七載子隆歿氏勵永操四十
年家貧紡績奉親舅姑歿撫子善從成立蒙旌表乾隆
七年歿入節孝祠

宋氏七里舖曹承佩妻年十七歸佩佩卒家貧舅姑又相
繼歿氏躬營喪葬守節四十三年足不踰閭卒蒙旌表
蔡氏宋明典妻二十九歲夫歿姑孀乏嗣紡績易米養姑
撫嗣子成立守節五十二年卒蒙旌表

孫氏蘇村李莊妻二十四歲莊歿事姑維謹教子成立守
節四十餘年卒乾隆五年旌表

鞏縣志卷十四

列女志

六

經川圖書館刊

楊氏孫廣生妻年二十四夫歿舅姑命撫二孫事親盡孝
守節三十餘年卒蒙旌表

張氏雙樓張爾爵妻年二十四夫歿事翁姑孝姑喪翁疾
謹慎從事守節四十一年卒已旌表

程氏石白泉張爾緒妻二十一歲夫亡矢志守節孝親教
子娶婦陳氏年二十六亦寡陳繼姑志事祖舅姑乾隆
八年旌表

張氏灘小關王銘妻年二十五夫歿子甫三歲祖姑翁姑
俱衰老氏奉老恤幼數十年如一日卒蒙旌表

李氏柏圪塄張其才妻年二十四夫歿家貧鬻糶奩葬翁

後姑病痿氏負以出入姑歿紡績以葬子愷爲邑諸生旌表

趙氏三節邵氏貢生趙發劬妻劬歿遺子奎暹甫七歲氏偕妾張氏守節紡績撫孤娶婦曹氏生孫瀚僅三歲奎暹復亡曹亦勵志事孀姑撫幼子邑令給匾旌獎瀚後列庠序

王氏三節雷氏王爾福之母年十九守節及長爲爾福娶雷氏年十七爾福又歿婦雷亦節守白氏爾康之母年十八守節三氏姊姒姑婦共苦守里人哀之

白氏三節張氏白茂修妻年二十八守節七十七卒茂修子光祿早歿妻宋氏年二十九守節六十六卒祿子福又早歿福妻張氏年二十七守節姑婦孫婦同勵苦節牛氏三節姚氏牛光度妻年二十九夫亡遺子芳苞氏盡心鞠育芳甫弱冠殤爲苞娶王氏生子大昌方周歲苞又歿王年二十五堅苦守節孝孀姑撫藐孤成立後大昌又亡乏子妻姚氏取嗣撫之亦以節著

劉氏雙節宋氏劉心廣妻年二十七寡居遺腹彌月生國顯氏矢志從一營葬翁姑邑令多公旌其門婦雷氏二十八歲國顯亦亡子二俱幼雷續姑志孀守奉姑維謹陳氏雙節于氏陳啟謀妻年十七適陳未三載夫故遺子

宗程甫周歲盡心鞠育爲娶婦白氏生子量僅三齡程又歿白年二十一同撫藐孤始終完節

牛氏雙節魏氏牛宣妻年二十六夫歿遺子大本未盈月氏守節撫孤爲娶武氏年二十五大本亦歿遺孤紹宏姑媳紡績以完節

宋氏雙節賀氏宋善學妻年二十六夫歿子仙坡甫周歲貧不能自給氏撫孤紡績不懈爲娶婦白氏守節三十一年而歿不數年坡亦歿遺子綸僅三歲白氏繼姑守節撫孤成立

徐氏雙節丁氏徐法禹妻年二十法禹歿無子繼姑生法周撫育成立爲娶王氏生子傳書法周又歿王年二十二與丁同心守節孝翁姑撫弱息兩門撫一孤承祧

路氏雙節魏氏路直妻年二十六夫故遺子貞吉氏紡績事姑育子備極艱瘁未幾貞吉又卒妻馬氏年二十七矢志苦守與姑同操魏氏壽八十二馬氏壽七十三子孫成立儒學董公旌其門

祖氏雙節李氏祖之玠妻年二十夫亡子大勳姑衰且病氏盡孝慈歿年五十祖之珫繼室楊氏之珫歿氏年二十一子大士珫前妻馬氏生氏撫若己出事姑以孝聞歿年五十二歲守節三十一年

白氏雙節宋氏儒童白正祥妻弟干祥妻王氏正祥歿宋
年二十五事二老撫三幼王時佐其勞嗣干祥又歿王
泣謂宋曰昔吾重嫂今師嫂矣王年十九無出取次姪
承繼子皆成立

孫氏雙節宋氏孫之性妻年二十五夫亡遺子祚宏幼苦
志鞠育紡績度日數歲祚宏亦亡媳閻氏年二十三有
子四人宋氏撫媳育孫閻氏繼姑勵志屢遭歉歲課讀
弗輟子汝淵列庠序

曹氏三節馬氏儒童曹鉉妻初適鉉孀姑蔡氏在堂有四
子鉉銓鑑鉞鉉歿氏無子夫弟銓鑑鉞亦相繼卒姑諭

鞏縣志卷十四

列女志

九

經川圖書館刊

使嫁氏泣涕不從蔭居五十年以姪爲嗣娶婦生孫又
天氏痛哭以疾歿媳張氏效姑守節

張氏增生邵翼妻明季流寇作亂避居士寨寨破氏子曰
昭甫一歲委井旁自投於井其子匍匐亦墜井井深三
十餘丈寇退衆聞哭聲亟拯救均無恙氏事姑馬氏極
孝姑壽九十餘子孫皆有聲鬻序

邵氏劉俊魁妻年二十二夫歿遺二子矢志不二以織紡
養孤成立

劉氏曹加觀妻年十七夫亡于未周歲貧寒紡績度日奉
翁姑撫弱孤歷盡艱辛

李氏處士孫光燠妻年二十二夫歿遺子緒明季流寇土匪遍地攜子避土寨賊至刃傷氏左臂與子俱墮深溝中皆無恙順治初邑令旌獎子孫廩貢成均曾孫汝工癸巳舉人河內教諭

馬氏儒童祖鳳來妻年二十夫亡冰霜矢節年近七旬尙無恙闔邑稱貞壽

楊氏庠生祖鳳瑞妻年二十一夫亡子幼矢志冰霜乾隆己酉年已六十有七

張氏李奎輔妻夫歿孀姑在堂三子皆幼氏矢志苦守晝夜紡績事姑育子壽逾八旬子孫成立

鞏縣志卷十四

列女志

十

經川圖書館刊

萬氏廩生楊履素妻履素有文名賈志歿氏年二十四子虞臣甫六月氏歷盡艱辛撫虞臣成立

賀氏白衷太妻衷太二十四歲亡遺孤瑾氏煢煢守奉翁姑以虔課子以嚴三十餘年瑾得入庠

原氏生員張泰復妻明季流寇陷鞏城泰復被擄時氏年二十三子琲甫三歲氏以撫孤自誓依伯氏泰定以居爲琲娶妻生孫越氏紡績以教越中康熙乙酉科舉人趙氏張紹騫妻年二十三夫亡欲殉不果乃矢志自守孝事兩代尊嫜後祖翁姑及翁姑相繼卒竭力殯葬課子成立

崔氏張允珙妻年二十三夫卒子甫三歲舅姑衰老堅志守貞家甚貧晝夜紡績壹志事畜卓然完節

蔡氏處士張秀文妻二十六歲夫亡遺三女無子女適人後勞勞無依苦節三十餘年

席氏荆安民妻性端貞克勤儉事翁姑盡孝夫歿後撫視遺孤邑令匾以旌之

賀氏趙喜才妻夫亡家貧矢志苦守紡績撫兩孤里中李某涎氏色夜毀門入氏厲聲罵驚其四鄰李逃去氏羞忿自縊次日鳴於官邑令多時琦旌之

楊氏王七兒妻夫貧且痴敬事如賓康熙六十年鞏大饑

鞏縣志卷十四

列女志

十二

經川圖書館刊

姑歿氏隨翁及夫流寓嵩南採野菜延生後翁夫亦相繼歿人以其賢也謀娶之氏泣訴曰王氏一門餓死僅遺一孤吾寧爲餓鬼何忍棄而他適卒完其節

羅氏任輔周妾輔周病歿氏年二十九哀號絕飲食三日縊死夫柩前

孫氏儒童李善紹妻年十七來歸五載善紹歿無子氏欲身殉姑以遺腹爲言乃止嗣果生男屢遭荒歉紡績易粟養姑白以樹皮草根和糠糝食之二十九年終不使姑知

周氏雷義妻年二十一夫歿遺子甫三月氏矢志不二屢

遭荒歉自食粗糲以甘旨奉舅姑撫孤恩威並行守節三十九年

王氏劉大義妻年二十八夫卒翁姑老且病氏侍湯藥維謹歿殯葬盡禮撫子成立守節四十八年

焦氏儒童曲啟經妻年十四于歸姑歿事翁以孝聞翁又歿啟經思親成疾氏侍湯藥數年無倦容夫亡氏年二十二遺孤未周歲撫育成立享壽七十三

申氏康豫吉妻年二十五夫亡子滄在懷抱上無舅姑中鮮兄弟隻身飲冰茹蘗撫孤成立守節三十三年

周氏劉克廣妻年二十二夫卒子朝君甫四歲家貧冰蘗

鞏縣志卷十四

列女志

十三

經川圖書館刊

自守供翁姑課子成立

禹氏曹鏞妻生曾祖禹好問鄱陽官署十七歸鏞三載夫歿入室以爪破面出眵姑嘗泣爲松柏吟以見志有疾不服藥竟歿

趙氏徐應召妻年二十夫歿無出鄰婦諷以他適氏入室毀面削髮鄰婦驚逃家人懼其死娣姒日夜守伺氏洒立嗣泣告木主薄田僅二畝篝火夜績終身不懈親族罕見其面

張氏廩生曹覺妻覺有文名而貧賁志歿氏年二十二珍藏遺書每啟笥輒哭子多病不能盡讀嗣孫稍長氏病

劇泣指筭中物訓之曰了此足以繼乃祖無使我飲恨九泉也言訖遂歿

王氏孫承憲妻承憲繼堂伯養蒙後翁歿氏事嫡姑王庶姑閭盡孝殯葬如禮年二十九夫歿撫孤教讀備歷艱辛子菖學成爲名諸生

孫氏儒童喬凌嵩妻年十六歸嵩八載嵩歿氏絕粒以殉兄菖亟勸之乃轉念收涕取堂孫爲嗣自茹粗糲甘旨奉親不愧孝母之女

曹氏姜志道妻志道誤食砒霜人以鵝血可治急難得氏曰禽血可治人血想亦可治乃入室刺膚及骨血大出

鞏縣志卷十四

列女志

三

經川圖書館刊

勸夫飲遂仆地醫大驚志道曰我死誤也汝何爲能爲我立後賢於同日死氏遵命取夫弟子爲嗣事孀姑飲饌必躬親曰吾夫已誤恐再誤也

邵氏儒童王家棟妻年二十八夫歿姑老子幼事姑極孝姑終殯葬如禮教子孫嚴而有法乾隆己酉年已九十歲

魏氏李善長妻年二十九夫歿遺子希孔翁姑俱衰氏供甘旨捧几杖撫子成立守節三十餘年

曹氏劉璋妻年二十二夫歿事老撫弱二子皆成立

王氏儒童李烜妻年二十一夫歿遺子維辟甫周歲有諷

以改適者氏不應勤紡績奉親教子守節四十六年歿
趙氏儒童朱衣表妻年十九夫歿善事繼姑教子有方守
節三十一年歿

段氏儒童蕭璧妻二十一歸璧璧歿屢死復甦舅姑哭慰
之氏乃已無出以伯氏子嗣孫亦成立

趙氏儒童李其恭妻年二十九守節姑病癱瘓八年起居
飲食跬步必謹姑歿盡哀縣令陳旌其門

李氏庠生孫祚泰妻年二十六夫亡舅姑羸子幼氏以身
任養育始終不渝

郭氏劉國定妻十九歲夫亡有子士振家赤貧守志不渝

鞏縣志卷十四

列女志

十四

經川圖書館刊

紡績以養舅姑課子成立守節四十餘年

邵氏喬凌霄妻于歸四載凌霄外出絕音耗遺子幼祖姑
舅姑年俱邁氏竭盡孝道營兩世葬事教子成立苦節
四十年

潘氏康嵩妻年二十六夫亡事孀姑撫二穉艱辛備嘗不
易其節年七十五卒

馬氏張爾永妻年二十六夫歿舅姑逾七旬遺孤琰幼氏
孝事舅姑生事葬祭靡不中禮撫孤兒嚴慈並施里黨

推重

謝氏儒童焦忱妻年十七于歸忱已臥病三載氏居別室

侍湯藥忱歿矢志不二取兄子嗣教養兼至名著膠庠
事舅姑盡孝守節三十六年壽七十督學潘以白璧完
貞旌其門

劉氏儒童曹鵬嗣妻子歸二載嗣歿以兄子蕭詳爲嗣詳
甫能言卽督入學諭曰乃祖積厚德伯父叔父宏厥緒
吾不憂失教憂汝自不力爲人後弗克光前人是死者
長賁志也事姑孝嗣有姊守節嗣病革氏泣問後事嗣
曰效吾姊嗣是氏乃事事問諸姊無敢自爲者

趙氏儒童張佃妻佃苦學以勞瘵死氏慟以死殉舅以撫
孤曲喻之得少緩後孤又殤氏泣曰未亡人偷生視息
以孤在孤不保何以生爲遂絕粒死死時猶手抱佃遺
書年二十四

鞏縣志卷十四

列女志

五

經川圖書館刊

陳氏儒童劉漢周妻年二十七夫歿子天瑞六歲堅志守
貞事翁姑亟孝課子成立守節四十八年

王氏祖尙質妻年二十五夫歿無子入室投繯姑救甦乃
取鳳泗爲嗣姑病禱神願身代病尋愈後姑歿葬以禮
守節三十六年

王氏儒童蕭璠妻年二十三守節事舅姑養葬盡禮嗣子
重顯前令王旌其門

陸氏曹大猷妻夫歿舅憐氏少命改適氏入室剪髮自誓

兩夫弟又亡舅姑鬱鬱成疾氏調湯藥日夜不離側舅
姑繼歿啼泣喪明殯殮葬祭口畫手指措辦俱當人稱
盲孝婦歿年四十四歲

張氏邵德溥妻適溥六年溥歿遺子紹周甫四歲孀姑年
老夫弟尙未婚勤紡績事老姑爲弟授室未幾仲死遺
婦楊氏病癱瘓三弟婦又少亡氏一身肩兩家事教紹
周以義方不少貸

趙氏儒童劉子熾妻年二十一夫歿遺孤曰墉翁姑老泣
涕幾喪明氏翦髮自矢奉二親撫藐孤艱苦備嘗未嘗
告瘁親歿葬以禮孤子成立守節三十餘年

鞏縣志卷十四

列女志

六

經川圖書館刊

曹氏程士傑妻士傑初任山西崞縣原平驛丞繼任長興
縣典史父八旬在籍病亟氏割股和藥以進卽愈延算
十年

曹氏杜作正妻事姑孝姑以幼孫不能語憂成疾氏禱於
神割股以進一夕夢白衣人持水灌其姑復投丸孫喉
中孫能言姑尋愈

張氏武憲文妻年十九于歸甫二載姑病藥不效氏夜半
焚香割其股黎明和湯藥進之姑病尋愈延年至八十
五歲

李氏三節溥氏水峪李惟繇妻年二十四夫亡奉衰翁撫

弱孤守節三十四年叔惟榮妻高氏年二十一榮歿與
姒薄矢志同守苦節三十四年兒彬妻季氏二十三歲
而寡事孀姑薄撫幼子守節三十二年三釐疊磨厄運
冰操接踵乾隆十二年旌表

張氏曹文德妻年二十三夫歿投河以殉漂七里許不沈
里人拯之出孝事舅姑晝夜紡織隆冬指血漬布上市
人爭買之曰孝婦布撫孤成立乾隆十一年旌表

吳氏張爾教妻年二十一夫亡衰翁病痿隻身紡績奉養
舅一日思肉食氏檢筍得小鏡授子赴市易肉屠人憐
其孝多與之不索值以伯子爲嗣教讀授室守節三十

鞏縣志卷十四

列女志

七

經川圖書館刊

九年乾隆十二年旌表

翟氏核桃園李蘊妻二十四歲夫亡事尊嫜撫孤嗣備嘗
荼苦始終不渝守節四十四年乾隆十二年旌表

楊氏霹靂董仁魁妻二十三歲夫亡惇獨貧寒事翁姑盡
孝殯葬合禮撫孤子成立守節五十三年乾隆十二年
旌表

張氏崔宗周妻二十一歲夫病瘵死遺孤跽末周鞠養成
人慈嚴並濟守節三十年乾隆二十五年旌表

王氏張良善妻年十七歸張一載母孫氏迎歸同居一日
母詣外家留氏與幼弟二禮在室族姪保子素猖披負

夜懷刀入室欲污之氏怒罵保子脅以刃氏厲聲曰任汝殺不懼保子刺其左腋氏奪刃割其掌仆於地又連刺左右脇乳二禮覺並砍其臂氏奔出大叫殺人爲石所絆顛樹下不能起罵愈厲保子以刀抉其口口齧刃保子搖刀割其頰至腮將及耳氏不能言聲猶不絕至喉斷乃死乾隆三十五年旌表入祀節孝祠保子伏誅

王氏丁太花妻年十九有姿色鄰暴馬登高瞰氏獨處越牆入室氏大詬馬遁他邑舅姑畏醜聲囑氏且寢其事越四月馬潛歸以婦容忍復萌惡念夜撬門入氏驚詈馬欲強污之氏大叫有賊姑聞赴救馬駭逸氏以兩次

鞏縣志卷十四

列女志

六

經川圖書館刊

受辱羞忿自縊乾隆四十三年旌表馬伏誅

李氏益家窩陳光宗妻年二十七夫亡舅姑老病孤穉勞
勞矢志奉養鞠育守節五十年乾隆十一年旌表

魏氏儒童焦正儒妻年十九夫亡祖姑年八十餘翁姑年
亦衰老孤方一歲截髮自誓事兩世尊嫜存歿盡禮孤
得成立守節三十五年乾隆三十八年旌表

張氏雙節孫氏張承先妻青年夫歿遺孤廷選氏事姑盡
孝廷選又早亡婦孫氏亦青年守節兩世冰孀始終如

一

姚氏楊學矜妻青年夫歿孝孀姑盡禮守節五十餘年

姚氏邵景益妻青年夫歿備歷荼苦守節四十年

閻氏王宏遠繼室年十八夫歿撫前子如己出人稱慈母
周氏雙節劉氏儒童周紹旦妻年二十六夫歿奉舅姑色
養維謹育三歲孤周禮成立既授室周禮又歿婦杜氏
二十四歲守節事孀姑得歡心青燈白髮姑婦始終完
節前縣令旌其門

白氏庠生張懷妻于歸四年夫歿侍姑病衣不解帶村居
數經水患姑歿急脫簪珥躬築墳臺是秋洛水漲溢屋
圯而墳存子楠樟皆爲諸生邑令旌其門

李氏周建德妻二十五歲夫亡矢志冰操事親撫孤邑令

鞏縣志卷十四

列女志

五

經川圖書館刊

高旌其門

李氏趙城周建德妻蚤寡守節乾隆三十九年知縣陳題
其門曰閨壺完人

王氏雙節趙氏王者明妻子歸七月而寡事翁姑盡孝以
弟子爲嗣夫弟歿與弟婦李氏矢志不二撫孤成立年
俱七十餘

孫氏雙節高氏孫九叙妻年二十夫亡取夫兄子瓌承嗣
成室後瓌又歿同孀媳李氏撫孤邑令李旌其門

張氏雙節周氏張欣秀妻年二十八夫歿魯山縣瓦屋親
老子幼尸不獲還翁姑歿子外出無蹤氏媳與母弟曰

臣至瓦屋尸乃得歸方媼未往時族某有欲奪其節者及還負骸過市嗚咽悲號市爲之罷某念頓息媼年七十媼亦年五十煢煢相依以終

孫氏清易鎮張漢魁妻少寡守節乾隆二十七年郊縣儒學蔡良瑞題其門曰潔媼霜筠

李氏雙節王氏李維堂妻年二十三夫歿舅姑老家貧勤女工事親孝撫遺腹子成立又早亡氏善視孀婦王氏撫幼孫勵節兩世

姚氏雙節曹氏庠生姚涯妻年二十四夫歿守節數十年不出閨閫家貧或曰不舉火以姪爲嗣又早亡與婦邵

鞏縣志卷十四

列女志

三

經川圖書館刊

氏撫弱孫以節自勵

謝氏生員康來遠妻來遠十四歲名噪於庠暴病亡氏年十八于歸有期間訃悲哽淒慘盡毀其鏡奩衣服臥不起母廉其志曰汝欲歸守夫喪耶躍然曰諾母以輿送往夫家入門詣夫靈前辟踊盡哀髻首衰絰守柩三日請廟見謁舅姑以成婦禮然殉夫之志家人已微窺得之一日祖姑姑慰之曰俟終夫喪可乎氏首肯乃執婦道營夫葬尊嫜病侍湯藥晨昏扶掖服除日盛服酬告夫墓上堂拜舅姑曰兒事畢矣請從夫地下遂不食八日死年二十一歲乾隆五十三年旌表

康氏生員趙夔隆妻年二十二夫歿事舅姑以孝稱葬祭中禮取姪魁甲繼嗣邑令梁旌其門

賀氏杜貴生妻二十九歲夫歿遺孤二氏上事舅姑下撫幼子守節四十三年

張氏喬有選妻年二十四夫歿喬爲單門氏取嗣承祧並勸其舅畜妾至年六十連舉二子乃繁衍焉

韓氏姚公宏妻二十六歲夫歿事尊嫜撫幼子守節五十三年八十九歲猶視聽不衰云

宋氏張潤瑾妻年二十三而寡子宏謙甫三歲家貧紡績供姑度荒拮据無怨言其堂弟潤玫分館穀濟之以成

其節

鞏縣志卷十四

列女志

三

經川圖書館刊

劉氏王溝趙青陽妻年二十二夫歿撫孤永言成立邑令高旌其門

鍾氏張居田妻年十九而寡翁姑俱衰養生送死竭力盡禮取族子爲嗣訓誨成立

韓氏趙學周妻年二十而寡嚙指自矢事孀姑盡孝取族子爲嗣

馬氏李士揚妻年二十一而寡撫子學智艱難鞠育卒使成立守節四十餘年歿

雷氏王三槐繼室年二十四而寡撫育前子錫彤又撫孫

成立孫無子乙巳歲大饑買同里張氏女爲妾氏焚券令其父攜去孫婦亦旋生子

曹氏岳國棟妻年二十一而寡無子氏矢志靡他勸其舅畜妾後果生子始終一節

白氏儒童趙棧妻年二十八夫歿取姪爲嗣事翁姑撫嗣子守節四十年歿

張氏曹起貴妻年二十五夫歿翁姑年老遺孤應成應中家貧氏勤紡績供膳孝慈兼盡艱辛備嘗守節五十餘年歿

溫氏周紹先妻年二十七夫歿家貧翁老遺孤六歲兩弟

鞏縣志卷十四

列女志

三

經川圖書館刊

亦幼氏紡績供膳養葬盡禮爲兩弟授室子亦成立守節四十餘年歿

王氏白文林妻于歸八年而寡遺孤方週紡績以育及入塾每灑涕訓諭孤終成立

劉氏李鳴元妻年二十六夫歿遺孤四歲家無生產勤紡績奉衰姑膳教子讀書守節四十餘年歿邑令旌其門

李氏鍾曷妻年二十八夫歿舅姑皆逾六旬遺孤天授五歲氏事上以孝撫孤以慈後子亡遺孫復教孫成立守節六十五年歿年九十三

孫氏李杰妻年十九孀居生遺腹女越五歲亦亡事病姑

至孝取堂姪爲嗣守節二十八年卒

郭氏王大聲妻年十九夫歿取夫兄子爲嗣家赤貧氏紡績供翁姑鞠孤息眼見曾玄五代壽九十七而終

趙氏李之玉妻年二十五夫歿投繯因救以解孝事老姑撫子生濬成立苦節三十三年卒年五十有八

張氏曹雲峰妻年二十四夫歿取兄子承嗣守節三十七年歿

劉氏張欣順妻年二十五夫歿取嗣天翁姑亦歿歲大饑男女乞食於道氏羞之杜門待斃親族另爲立嗣助資使探親盧氏行至道中而卒

鞏縣志卷十四

列女志

三

經川圖書館刊

劉氏曹東里妻年十八夫歿孝事祖姑祖姑愛憐之爲取兄子承嗣兄賣藥盧氏數年不歸氏撫姪成立祖姑歿殯葬皆氏任之年五十三卒儒學周旌其門

張氏曹致高妻年二十九夫歿取堂兄子承嗣翁姑年俱七十餘同孀嫂杜氏委曲供養後數年翁姑與嫂相繼歿撫嫂子及嗣子成立守節三十餘年歿

孫氏張思任妻年十八夫歿撫遺腹子屢遭凶荒奉親育孤艱辛備嘗守節四十六年歿

吳氏曹成周妻年二十一夫歿翁姑老病兩弟皆幼氏紡績易甘旨爲兩弟授室後取姪爲嗣親歿殯葬盡禮年

七十七卒

丁氏賀曰信妻二十二歲夫歿紡績養尊嫜殯葬盡禮事叔如舅姑守節五十三年歿

祖氏曹加紳妻二十六歲夫歿幼孤二飲冰茹蘗撫之成立守節四十三年歿

趙氏劉朝海妻家貧隨夫之南召縣二十五而寡伯叔欲奪其節氏舉白刃應曰欲我嫁有死而已衆懼而止立嗣扶柩歸里守節至七十五歲卒

常氏席自和妻夫有痼疾竭力奉養二十三歲夫歿以夫弟子承宗爲嗣鞠育撫養後承宗入庠守節五十二年

鞏縣志卷十四

列女志

三
經川圖書館刊

卒

張氏席遵先妻二十一歲夫歿遺孤雲貴甫十月紡績自度獲孫二子又亡氏與二孫艱苦自守值乾隆五十一年歲荒竟窮饑而死年六十一歲

韓氏監生曲騰蛟妻年二十八夫歿有勸改嫁者正色斥之事姑以孝撫孤有仁列上庠

謝氏秦讓妻年二十三夫歿取姪承祧舅姑年逾八旬氏晨夕侍養殯葬事皆一身任之苦節五十三年歿

韓氏儒童白祿隆妻年二十八夫歿無子取繼承祧事親孝勁節始終不渝

張氏儒童曹宗寶妻年十七于歸姑張氏節孝蒙旌氏善
事之七載生子二女一夫歿力供孀姑鞠育二子苦節
四十五年上司旌其門

張氏儒童秦國寧妻年二十一夫歿善事舅姑能使轉怒
爲喜年七十七卒儒學旌其門孫鐸曾孫大澤皆有聲
賢序

魏氏曹珥妻于歸後珥病數載氏左右奉事不少懈及歿
氏年二十七取姪承繼撫孤成立

秦氏處士張崇妻年十七于歸親迎日崇墜馬數日卒氏
立志守節取姪承繼側室生孫孀守至六十歲卒有司

旌其門

鞏縣志卷十四

列女志

三

經川圖書館刊

趙氏儒童子成己妻年二十五夫歿無子取繼承祧翁年
老傷足不能步履氏菽水承歡事孀姑尤孝

宋氏趙治深妻年二十三夫歿矢志不二事翁姑以孝撫
養孤子成立苦節四十年歿

趙氏崔龍臣妻年二十夫歿氏誓不再適教子事親苦節
三十年歿

秦氏趙澤妻二十六歲夫歿有子二歲氏撫育成名孝養
衰姑苦節六十餘年歿

曹氏趙淇妻年二十五夫歿取二歲姪承祀晝夜紡績事

親養孤鄉人憐之

張氏趙蘭妻年二十七蘭死家貧親老有子不慧氏貞節自守勤事翁姑年七十九猶紡績不輟

崔氏張英妻舅歿善事繼姑姑患癱支離床褥侍膳抑搔皆躬自任不假他人時或負以出入人尤以爲難

李氏儒童劉紹美妻年十九夫歿取堂姪爲嗣教養兼至蓬首閉門孝事舅姑守節四十二年邑令梁旌其門

劉氏張本原妻年二十六夫歿立繼承祀七十歲卒守節四十四年

王氏張本安妻年二十一夫歿訓子成立守節三十五年

鞏縣志卷十四

列女志

三

經川圖書館刊

歿

李氏陳朝棟妻二十六歲夫歿撫遺孤成立事姑以孝聞守節三十餘年歿

李氏邵連登妻年二十七夫歿撫三歲孤守節四十餘年歿

魏氏羅莊孫坤妻年十九夫歿有遺腹子承啟氏立教甚嚴後承啟入太學

葛氏王程之妻年十八夫歿舅姑年高氏紡績養生送終守節五十餘年歿

王氏邵維倫妻年二十八夫歿守節卒年近九旬

王氏柴柱妻年二十五夫歿遺孤方月餘家貧舅姑年老氏不避艱難養雙親撫弱孤孝慈聞於鄉里

王氏邵連明妻夫歿時年十九撫遺腹孤成人苦節三十餘年卒

王氏孫業勸妻年二十九喪所天守節撫孤三十餘年孫元三年少入庠

李氏孫烈祥妻年二十八夫歿守節撫二孤成立次子履坦入庠

劉氏范大車妻年二十二夫歿遺孤方數月又二年遭姑喪叔方在懷抱氏並撫兩世孤守節四十餘年歿

鞏縣志卷十四

列女志

三

經川圖書館刊

孫氏趙國正妻年十七歸趙數月夫歿取繼承祧守節四十餘年歿

李氏孫烈旂妻年二十七夫歿撫孤守節三十餘年歿

李氏王世越妻年二十八夫歿撫遺腹子守節三十餘年歿

王氏邵天秩妻年二十二夫歿撫遺腹子守節五十餘年歿

賀氏董麟生妻年二十夫歿撫數月孤守節五十餘年歿

劉氏邵丹祥妻年二十二夫歿撫兩孤事舅姑以孝稱守節三十餘年歿

馬氏王定爵妻年二十六夫歿上事舅姑下撫孤兒子亦早孤賴氏撫育二孤愛若已出氏年髦視家事如常魏氏邵君增妻年二十二夫歿舅姑老盡力孝養子殿甲早歲入庠

鄧氏馬天性妻年二十八夫歿氏家貧守節備嘗艱苦四十餘年終爲夫立嗣

楊氏王大川妻年十八夫歿家貧無子苦節四十餘年取姪爲繼亦以孝稱

李氏劉生聰妻年二十八夫歿舅老子幼家赤貧氏紡績供養守節五十餘年歿

鞏縣志卷十四

列女志

三

經川圖書館刊

馬氏張興妻年二十七夫歿子鳴臯在抱弱冠爲冠軍入庠

李氏邵元會妻年二十六夫歿家貧無子舅姑年高氏備歷艱苦供養送終取姪爲嗣孀守以終

徐氏馬爾欽妻年二十六夫歿家貧紡績撫孤守節五十餘年歿

劉氏邵作梅妻年二十七夫歿無嗣氏堅志守貞事舅姑養生送終後因無依歸母家完節

祖氏邵景全妻年二十二夫歿紡績以撫繼子守節三十餘年歿

祖氏馬輦妻年二十四夫歿家貧舅姑老氏紡績奉養撫繼子成立守節三十餘年歿

任氏康建學妻年二十五夫歿舅姑老家貧氏紡績奉事取姪爲繼守節三十餘年歿

王氏徐士雲妻年二十六夫歿取姪爲繼旋復失明家貧甚氏與媳勤女工守節三十餘年歿

張氏徐世芳妻年十九而寡以姪爲繼善事舅姑數十年如一日

李氏王銚妻年二十七夫歿撫二孤守節三十餘年歿

姚氏楊宗儒妻年二十四夫歿遺孤雲鵬時伯姑有幼子

鞏縣志卷十四

列女志

三

經川圖書館刊

大儒氏事伯姑兼撫其子後其子早亡遺孤淵涵氏命雲鵬與合爨焉

李氏太學生楊大儒繼室年二十二孀居孝事老姑教子淵涵方學入彀知名

黎氏李之法妻年二十四夫歿撫遺腹子姑又喪明氏侍左右者數十年

喬氏張潤妻年二十七夫歿遺三孤舅姑老家貧紡績以養守節三十餘年歿

曹氏張溶妻年二十二夫歿取姪爲嗣守節四十餘年歿邵氏增生張萬甲妻年二十五夫歿取姪爲嗣孀守以終

姚氏賈世玉妻年二十三夫歿取姪爲嗣守節三十餘年歿

曹氏姚秉良妻年二十一而寡遺孤方周歲誓志不二食貧守節以終

姚氏張學泗妻年二十二夫歿撫孤守節數十年歿

楊氏姚秉雷妻孀居時年二十八家貧守節數十年以勤苦率子婦治生產

李氏楊天才妻年二十二夫歿姑念家貧欲氏改適氏誓志貞守並賴叔父益清調護完節以老

武氏姚大崙妻年二十八夫歿爲夫立嗣守節四十餘年

鞏縣志卷十四

列女志

三

經川圖書館刊

歿

趙氏張淇妻青年夫歿守節撫孤錫瑜後入庠序

席氏祖傳易繼室年二十二夫歿守節三十餘年歿

郃氏喬丕吉妻年二十八夫歿撫三歲孤守節四十餘年歿

郭氏劉君召妻青年孀居撫孤守節數十年如一日

張氏邵鳳崗妻年二十一夫歿力事舅姑撫孤守節四十餘年歿

牛氏雷光顯妻年二十二夫歿有遺孤舅老姑痿氏左右奉養無缺後翁姑子媳相繼亡氏遂絕粒不食死年五

十有二

趙氏李六德妻年二十六夫歿因貧寄食母家過節序必歸奠夫後取夫從弟子承嗣撫之成立卒年六十有四李氏陳星照妻年二十二夫歿撫姪爲嗣及娶婦之三日子婦拜跪庭前氏泣告曰可以謝泉下人矣具酒食奠夫墓卽日卒年五十七

張氏曹肅謔妻年二十四夫歿遺女一取夫兄子爲嗣未幾姑歿苦節三十一年與姑劉氏俱以節孝稱

閻氏曹加用妻二十五歲夫歿子幼紡績供甘旨殯葬盡禮守節五十三年歿

鞏縣志卷十四

列女志

三

經川圖書館刊

李氏魏正運妻二十三歲夫歿遺孤未週氏奉親育孤夙夜勤謹守節五十年歿

張氏賈成海妻年二十四夫歿子幼親老氏勤織績艱苦備嘗守節四十年歿

崔氏儒童張汝鵬妻年二十一夫亡取姪爲嗣事舅姑盡孝守節四十五年歿

崔氏儒童尙自正妻年二十歲夫歿矢志不二取姪撫養成立守節三十五年歿

崔氏儒童張經妻二十六歲夫歿遺子志善紡績度日事孀姑養葬盡禮年七十五而卒

尚氏儒童李六丙妻年二十四夫歿氏以爪破面示志取姪爲嗣守節四十七年歿

胡氏儒童閻大年妻結褵三載夫歿取姪爲嗣撫之成立勤紡績以奉舅姑殯葬躬自任之邑令陳旌其門

秦氏監生張喬年妻年二十八夫歿事翁姑以孝殯葬如禮撫子成立守節三十七年歿

常氏王宗孔妻二十八歲夫歿舅姑衰老生事死葬皆如禮撫孤伯安後入庠守節四十二年歿

李氏焦大法妻年二十四夫歿遺孤三月舅姑夫均停柩未葬乃撫孀孤襄大事貞居五十餘年歿

鞏縣志卷十四

列女志

三

經川圖書館刊

路氏龔大成妻年二十二夫歿立嗣德福奉姑守節四十餘年歿

孫氏路書田妻年二十七夫歿薙髮誓殉舅姑勸以立嗣延祀乃立姪爲嗣孝親教子苦節四十餘年歿

周氏趙文學妻年二十七夫歿取姪爲嗣卒年九十三

曹氏李懷生妻年十九夫歿取姪爲嗣苦節三十餘年歿
賀氏高希程妻年二十二夫歿取姪爲嗣苦節四十餘年歿

曲氏儒童謝銓妻銓歿遺子未週氏年十九祖姑年老喪明翁姑亦以痛子致疾氏扶持奉養歿後竭力營葬撫

孤成立苦節五十餘年歿縣令楊旌其門

陳氏儒童劉潤妻二十一歲夫歿矢志撫孤艱苦備嘗卒年八十餘

張氏謝樸妻年二十八夫歿奉姑盡孝訓二子成立毓麟入庠守節五十三年歿督學汪旌其門

范氏庠生焦雋選妻二十七歲而寡事翁姑育幼子艱苦備嘗享年七十有八學憲旌其門

李氏陳君文妻君文兄弟相繼歿氏年二十九子幼家貧娣姒皆不安其室氏泣留不可乃撫其子女茹荼啖糞勤苦以養節守四十餘年歿儒學周旌其門

鞏縣志卷十四

列女志

三

經川圖書館刊

張氏焦士壤妻年二十八夫歿子三歲又生遺腹子姑老喪子痛幾絕氏委曲承顏教子有法守節三十四年歿滑氏儒童康大斐妻年二十七夫歿紡績度日嚴課三子成立守節四十五年歿縣令陳旌其門

于氏儒童謝乃稊妻年二十夫歿取姪爲嗣事舅姑孝夫在已與伯氏析產後伯氏中落翁姑喪葬氏獨肩之守節三十餘年卒學憲蔡旌其門

季氏李尙文妻于歸九年夫歿勤苦自勵撫孤成立歷五十二年如一日

武氏張偕妻年二十夫歿養老撫孤備歷艱辛持家嚴正

有法守節五十四年歿

白氏崔士宏妻二十四歲守節事姑以孝教遺孤成立

毛氏崔士羣側室二十七歲夫歿有子嫡雷氏憐之令他適氏泣以死守遂與雷同心共誓育子成立守節六十餘年歿

趙氏劉大瑩妻年十九而孀兩世翁姑在堂子幼家貧養葬如禮嘗以生不識母墓與人言輒流涕每至塋遶樹悲號聞者墮淚以悲傷過節疽發而卒

程氏張爾孝妻年十七適張家貧氏盡出奩資置生產夫歿遺腹生子氏兄元章憫其單煢迎歸母家男女五十

鞏縣志卷十四

列女志

三

經川圖書館刊

餘口同處四十餘年無閒言里人嘉氏節並多元章友愛云

曹氏張全良妻年二十五夫歿紡績織紉以事舅姑及亡竭力營葬有幼叔授室後好樗博勸之不可氏入戶自搗其面而晝夜號泣叔感悔理正業取姪爲嗣守節四十五年歿

杜氏孫文章妻年十六夫歿撫遺腹子子長多疾且眇生計艱辛氏多方措拄三十餘年

孫氏張居道妻年二十三夫歿氏依祖姑守節四十年取子爲嗣

馬氏王珊妻年二十二夫歿事姑撫幼有石田六畝蓬首
垢面躬自耕作以書課子三十餘年不廢

馮氏蘇文舉妻姑癰廢醫藥罔效氏負以出入者三年嘗
夜半焚香割股和藥以進姑食之痊闕不告人後姑夫
皆亡其母偶見刀瘢乃悉其事鄉人爭相傳說年六十
有二歿

馬氏增生邵斌妻年二十九夫亡爲夫立繼守節五十餘
年歿

馬氏邵育溥妻年二十八夫歿孝事孀姑撫養繼子守節
四十餘年歿

鞏縣志卷十四

列女志

三

經川圖書館刊

柴氏孫烈常妻年二十八夫歿食貧守節三十餘年孤子
淵入庠

孫氏姚正妻從夫佃耕盧氏山中夫歿年二十五叔促其
改適遂自盡

曲氏劉兆祥妻年二十七而寡家貧無子孝事舅姑守節
三十四年歿

周氏馬仁妻年二十六而寡孝事舅姑食貧守節三十一
年歿

王氏楊銘妻年二十三夫歿善事舅姑撫姪爲嗣守節三
十八年歿邑令旌其門

褚氏李欽妻年二十七夫歿家貧無子守節三十七年歿
喬氏姜明妻年二十夫歿善事舅姑撫遺腹子成人守節
六十二年歿

李氏孫士行妻年十九孀撫數月孤上事老姑守節三十
餘年歿

王氏張廷拔妻年二十九夫歿撫孤守節三十餘年歿

劉氏邵作舟妻年二十夫歿善事舅姑撫孤成人守節六
十一年歿

張氏馬子賢妻年二十八夫歿家貧舅姑老孝事舅姑撫
孤成人守節三十九年歿

鞏縣志卷十四

列女志

三

經川圖書館刊

袁氏生員李焯妻年二十四夫歿善事舅姑撫數月孤守
節五十餘年歿

劉氏王宗孔妻年二十八夫爲逸畜傷死主人懼欲厚賄
之氏不受撫孤守節壽八十八而終

李氏祖之珩妻年二十六夫歿奉姑撫孤守節六十五年
歿

史氏姚世選妻年二十三夫歿撫孤事舅姑守節三十餘
年歿

韓氏張天重妻年十九夫歿生遺腹子氏孝事舅姑撫幼
子守節五十餘年歿

韓氏張振圖妻夫歿翁姑老子乘軒未週歲家貧年荒事舅姑撫幼子百端艱苦不渝其操守節五十餘年歿

劉氏張乘輅妻夫歿晝夜紡績鞠育遺孤守節四十餘年歿

景氏張鶴年妻夫歿取姪於襁褓艱辛撫育守節四十餘年歿

李氏張珂生妻夫歿飲冰茹蘗撫遺孤成立守節四十餘年歿

于氏張掄元妻姑歿翁年近八旬病癱十餘年晝夜奉侍備極勞瘁

鞏縣志卷十四

列女志

三

經川圖書館刊

李氏監生于廷註繼室年二十四夫歿側室郭氏生子氏愛如己出撫養成立與郭同心孝事姑嫜守節三十餘年歿

段氏生員孟德先妻二十二歲夫歿鞠育遺腹子慈而兼嚴守節六十九年歿

孟氏儒童張峻昇妻年十九歲夫歿孝事翁姑取族姪爲嗣備歷艱辛歷三十餘年如一日

崔氏儒童白建本妻年十九夫歿矢志守貞孝舅姑取姪朝選爲嗣守節三十七年歿

崔氏儒童姚丙妻年二十三夫歿遺孤二歲截髮自誓孝

孀姑守節六十年歿

楊氏馬繼程繼室夫卒前妻遺子鞠育成立守節四十七年歿

雷氏張淑成妻年二十一夫歿翦髮毀面矢志苦守教子成立守節三十四年歿

梅氏王宗瑞妻年二十一歲夫歿取姪爲嗣守節四十五年歿

趙氏儒童張用廣妻二十五歲夫歿事舅姑撫幼子艱苦備嘗子成室後又歿與媳李氏同撫弱孫知府曹旌其門

鞏縣志卷十四

列女志

三

經川圖書館刊

白氏康澤冲妻年二十四夫歿子枕在襁褓旋舅姑亦歿氏食貧養育殯葬舅姑守節六十年歿

張氏儒士孟文先妻年二十一夫歿矢志苦守事舅姑孝取姪爲嗣貞居四十九年歿

貞女孟氏八歲許配宋袞後隨祖濤赴新蔡儒學任四載袞忽夭女聞之抑鬱成疾數日不食死舅姑重其志迎歸合葬

張氏生員孟五瑞妻年二十六夫歿遺子六歲氏茹苦自甘撫孤成立守節五十五年歿

姜氏馬吉妻年二十四夫歿矢志貞守屢遭荒歉自食粗

糲以甘旨奉舅姑撫子成立苦節四十二年歿

劉氏蘇東妻年十九夫歿誓以死殉戚串慰解之殯日號泣欲投穴中力勸得免乃託取殉葬物歸而自縊合葬於石窟之西

白氏儒童張思溫妻年二十夫歿子無黨方二歲氏鞠育紡績以教無黨中壬申恩科舉人

宋氏儒童張無垢妻年二十夫歿取姪爲嗣守節三十八年歿

劉氏儒童康遐齡妻夫歿矢志全節取姪爲嗣教使成立守節四十八年歿

鞏縣志卷十四

列女志

三

經川圖書館刊

康氏趙萬福妻年二十二夫歿矢志守節事翁姑撫幼弟立姪爲嗣四十年如一日

康氏儒童崔士純妻年十九夫歿誓死盟志取叔子爲嗣事翁姑孝守節三十五年歿大司寇胡公旌其門

趙氏崔士苞妻二十五歲夫歿養老撫幼守節三十二年歿

張氏吳杰妻二十二歲夫歿取族子爲嗣守節四十八年歿

孟氏崔良賓妻年二十四夫歿家貧子幼紡績以育殯葬翁姑中禮六十四歲而歿

白氏儒童張百行妻年二十六夫歿舅姑老織紡供甘旨
教繼子成立守節四十一年歿

牛氏董三友妻年二十四夫歿遺子二堅志守貞績紡度
日屢遭歲歉不渝其操守節六十餘年歿

王氏崔良圖妻年二十六夫歿親老子幼矢志冰霜艱辛
備嘗守節四十餘年歿

李氏儒童崔長發妻年二十五夫歿孝事衰翁撫育二叔
及幼子苦節三十三年歿

景氏崔宗孟妻年二十一夫歿遺子襁褓單寒勵節艱辛
備嘗五十三歲卒

鞏縣志卷十四

列女志

四

經川圖書館刊

常氏李天佐妻年二十四夫歿子甫二歲撫育成立守節
五十五年歿

劉氏崔宗德妻年二十六夫歿事孀姑撫二孤卒年六十
一歲

康氏崔百齡妻年二十夫歿事舅姑盡瘁立繼承祧守節
四十一年歿

白氏曹慶雲妻年二十五夫歿事三世親喪葬如禮教子
入庠守節五十年歿

張氏儒童李東方妻年二十五夫歿事孀姑撫幼子守節
三十三年歿

李氏監生劉鴻訓側室年二十四夫歿子紹發僅數月與
嫡白氏同心勵節撫孤白歿嫡子廩生紹杰事之若母
紹發亦入太學守節三十二年

白氏儒童曹岱雲妻岱雲因喪雙親哀毀死氏年二十二
子方二週氏勵志撫孤守節三十二年卒

馬氏監生趙國麟妻年二十九夫歿取姪承嗣守節四十
八年卒

霍氏李振世妻年二十七夫歿家貧姑老奉養不衰守節
五十九年卒

趙氏馬太和妻年二十八而寡家貧姑老養葬盡禮取姪
為嗣守節四十四年歿

費氏張永熙妻年二十六夫歿奉姑撫孤守節四十八年
歿

尚氏崔先儒妻事姑孝夫歿氏年二十八堅志守貞取姪
為嗣

馬氏張成德妻二十七歲夫歿事姑盡孝撫孤成立年八
十餘而終

路氏劉立源妻年十九于歸三載孀撫孤孝姑子入庠

張氏劉紹向妻年二十五夫歿遺子方週歲家貧事舅姑
孝撫子成立守節四十二年歿

張氏監生劉讜妻年二十五夫歿遺腹生子事翁姑孝子亦成名

禹氏監生劉百陶妻夫歿遺孤二敬修慎修成室後相繼歿長婦孟氏次婦曹氏同志苦守以奉孀姑均以節終張氏朱希顏妻年二十九孀居遺孤二茹藥飲冰教以義方

焦氏儒士于克信妻青年守節厯事三姑俱能得其歡心子建章登丁酉賢書

劉氏儒童姚敏妻二十八歲夫歿遺孤三歲事翁姑盡禮子亦成立

鞏縣志卷十四

列女志

三

經川圖書館刊

焦氏崔天乙妻年二十一夫歿以伯氏子爲嗣事翁姑盡孝撫嗣子若己出守節四十二年歿

馬氏生員牛斐然妻年二十八夫歿遺孤二艱難困苦育子成立守節四十年卒邑令石旌其門

馬氏周大舉妻年二十一而寡舅姑兄嫂俱歿氏攜六歲姪經營殯葬守節六十年歿邑令多旌其門

蔡氏周長祚妻二十七歲而寡遺孤七歲守節四十餘年王氏趙廷瑛妻二十六歲夫歿舅姑老奉事不懈訓二孤有法五世同堂守節五十餘年歿

范氏李東學妻年二十八夫歿遺孤七歲矢志堅毅守節

三十三年歿

蔡氏張允中妻年二十二夫歿遺女僅二齡後女殤遂投井死鄉人啟允中壙合葬焉

李氏劉功臣妻年二十八夫歿遺孤二歲家貧織紡撫孤成立

劉氏趙閭妻夫亡姑歿事舅盡孝取姪爲嗣訓迪有方子入庠

陳氏劉紹書妻年二十五夫歿遺孤幼姑患癱氏日奉湯藥節守以終子亦成立

李氏儒童白登雲妻青年守節冰霜自矢取姪爲嗣始終不渝

鞏縣志卷十四

列女志

三

經川圖書館刊

牛氏舊城南關庠生劉紹舉妻年二十夫歿撫幼子服除日拜夫墓曰妾所以不卽死者以子待乳也今已離襁褓有伯叔在可相依歸遂絕粒不食卒

于氏康丙申妻姑老病卧榻不起氏禱於神願身代病愈左右色養備至屬纊時猶以孝弟勤儉囑子孫

孫氏徐樸妻性好善勤施予貧者推衣食周之凡貸貲折閱及負逋不能償者輒焚其券壽八十五曾元遶膝稱

壽母焉

馬氏李清源妻年十七夫歿有鄰婦以他適諷之氏嚙指

斷髮曰吾所以不死者以舅姑在堂耳名節詎可墮耶鄰婦懼而止取姪承祧恩愛撫育守節三十一年卒

丁氏郭九合妻于歸五載夫亡一子未滿月家貧紡績事祖姑及姑殆層親相繼逝殯葬盡禮教子成家苦節三十餘年歿

秦氏曹如椿妻年二十四夫歿紡績以養舅殯葬盡禮撫孤成立守節五十三年歿

曹氏儒童趙作忠妻年十九夫歿事舅姑撫幼弟養姪端為嗣為娶婦康氏數年端歿康氏與姑同心守節始終不渝

鞏縣志卷十四

列女志

四

經川圖書館刊

姚氏李文虎妻年二十六夫歿遺孤甫二歲矢志鞠養守節三十八年歿

張氏高希賢妻年二十一夫歿取姪為嗣備嘗荼苦教使成立守節四十五年歿

賀氏康學祿妻年十七夫歿取姪為嗣癯瘠苦守教養兼至守節四十二年歿

朱氏張天溥妻年二十三夫亡守節三十九年歿

張氏監生王振邦妻年二十七夫亡孝事翁姑取伯氏子天德為嗣守節四十餘年歿

張氏王爾康妻年二十八夫亡撫孤東文成立守節三十

九年卒年六十七歲

岳氏任志立妻年十九夫歿遺孤方週歲舅姑先亡未殯氏紡績營葬備極艱辛孤亦成立苦節六十餘年

郭氏孫_{不詳}學妻年二十六夫亡遺二孤有山田二畝躬耕以養翁姑苦節五十四年歿

孫氏張中柱妻年十九夫故善事孀姑撫三月孤守節三十餘年歿

武氏孫王佐妻年二十三夫故家貧事姑孝養不缺爲夫立嗣守節四十餘年歿

楊氏孫秉柱妻年二十五夫故爲夫立嗣守節四十餘年

歿

鞏縣志卷十四

列女志

聖經川圖書館刊

賀氏曹宗彝妻年二十五夫歿事老姑撫嗣子備極勤劬後姑歿嗣夭紡績自食每哭聲徹四鄰聞者哀之

曹氏康錫妻孝廉曹鵬翊女嫻女訓于歸後事祖姑孝年二十六喪夫祖姑亦卽世遺孤四歲翁姑衰老家貧盡質衣奩以資供養子誥登戊申賢書

張氏馬本善妻年十七于歸未一載夫歿氏哀號入室自縊死姑救復甦再三慰之取姪爲嗣守節三十八年歿
張氏白應發妻年二十七夫歿爲夫立嗣孝事翁姑守節四十八年歿

白氏劉萬青妻年二十二夫歿孝姑撫孤備極艱苦守節三十餘年歿

姚氏監生牛大昌妻年二十八而寡奉祖姑及姑克盡孝道撫二子成立

胡氏劉明妻二十八歲夫歿艱辛備嘗教子成立守節二十三年歿

孫氏劉進明妻年二十八而寡家貧子幼紡績以給守節三十六年歿

楊氏趙濟妻年二十五夫亡孝姑撫孤守節四十餘年子繼賢入國學

鞏縣志卷十四

列女志

三

經川圖書館刊

李氏韓淑身妻青年孀居取姪爲嗣苦節以終

王氏韓淑世妻青年守節孝姑撫孤茹蘖飲冰四十餘年歿

石氏康光遠妻年二十五夫故二孤俱幼舅姑在堂孝親撫孤守節三十餘年歿

閻氏宋道林妻年二十三孀居遺孤在抱家貧勤女工事衰翁以孝聞守節三十餘年歿

崔氏符林妻年二十四夫歿遺孤方週歲家貧以女紅事翁姑守節三十六年歿

杜氏曹致廣妻年二十三夫亡遺子甫週歲鞠育成人守

節三十六年歿

張氏劉贊妻年二十二贊歿撫養幼孤守節四十五年歿
王氏李綏靖妻年二十九夫亡遺孤三歲孝姑撫孤備嘗
艱苦守節四十年歿

康氏劉起學妻年二十八夫故貞節自守五十餘年歿

王氏儒生劉紹賢繼室適劉四載夫歿時年二十一一家貧
紡績度生殷勤撫孤鄉黨慕之

馬氏李長齡妻年二十七夫亡遺孤承先四歲氏事孀姑
盡孝承先至三十三歲亦亡氏與媳王氏共勵堅貞人
稱爲三世苦節云

鞏縣志卷十四

列女志

七

經川圖書館刊

張氏儒童康乘鵬妻年二十夫歿孝翁姑撫幼弟姑歿又
孝事繼姑以姪爲嗣守節三十餘年歿督學邵公旌其
門

楊氏翟爾璽妻年十九夫歿取兄子爲嗣卒年七十五

霍氏迴郭鎮李振乾妻夫歿苦守乾隆五十年知縣陳以
苦節堅貞額其門

楊氏康世芳妻年十九孀居撫雙孤從先從古成立從先
早卒遺妻吳氏姑婦相依爲命享年九十曾玄輩數十
人

李氏閻法忠妻事舅姑極孝嘉慶二年知縣周以賢孝可

風旌其門

閻氏魏元貞妻年二十七喪夫八十餘卒嘉慶二年黃岡知縣邑人張其章旌其門曰筠操鶴齡

呂氏閻世德妻夫亡守節嘉慶三年教諭周額其門曰松齡勁節

劉氏周家礮張瑞珠妻年十七于歸連生二子越九載夫故氏苦守長子書三補弟子員

韓氏張杜妻年二十一夫亡依兄嫂度日卒年六十四嘉慶五年旌表

禹氏神堤張懷妻嘉慶五年立有節孝坊

鞏縣志卷十四

列女志

吳

經川圖書館刊

張氏魏相周妻二十五歲喪夫孝事舅姑八十餘歲卒嘉慶十一年知縣楊旌其門曰節孝兼優

胡氏西作村張思重妻青年夫故守節三十餘年嘉慶十四年舉人張增益以瑤池冰雪額其門

王氏李恂妻年二十四夫故守節六十四歲卒嘉慶十四年主事吳其彥以淑同金貞額其門

張氏龐廷選妻青年喪夫守節四十餘年卒嘉慶二十一年進士郭階平以孝慈節壽表其門

王氏寨溝柴體仁妻年十八于歸逾月夫亡氏哀痛欲絕勺水不入口翁姑慰喻之至夫亡百日氏衰經拜哭于

墓盡哀歸請爲夫立後議定夫弟長子氏色喜是夕歸
私室沐浴焚香整容衣錦雉經以歿及家人知己不可
救矣擇期與夫合葬時嘉慶二十三年十二月也

趙氏前任廣西恩恩縣知縣劉蘇村劉正身繼室年二十
一夫歿取繼孫策準守節三十六年歿新河縣知縣鄧
銘善以節孝嚴慈額其門

李氏庠生劉廉隅妻年三十夫歿遺子樹森僅三月及樹
森生孫逢戍樹森亦卒氏與孀媳勤儉苦度守節終身
王氏迴郭鎮趙子寶妻夫歿守節嘉慶間教諭周作詢題
其門口節凜冰霜

鞏縣志卷十四

列女志

聖
經川圖書館刊

李氏張繩祖妻家貧值歲荒繩祖出外姑染癘疫氏左右
湯藥寢食俱廢姑欲嘗異味乃焚香告神割臂以供神
色不亂卒于嘉慶十八年年六十七道光五年鄉族樹
碣以表其行

邵氏清易鎮何逢寅妻年二十九夫故子歲餘守節四十
四年卒

張氏徐學業妻十四歲于歸三月夫故矢志靡他有族無
賴欲嫁之已誘其登車氏旋悟乃跳而下守節四十三
年道光元年卒

趙氏何光彥妻夫故守節數十年道光三年張紉芳題其

門曰節孝壽慈

楊氏趙城張坤妻夫亡守節道光三年教諭某題其門曰
竹節松齡

郭氏小相崔爾智妻年二十五夫故守節三十餘年歿
魏氏羅莊庠生孫和坦再繼室于歸後撫前室子若己出
二十一歲夫歿祖姑馬年近八旬姑喬雙目失明家且
漸落氏事兩世慈親曲意盡歡進食必親授匕箸視寢
必手覆衾裯既而層親相繼歿其侍疾謹慎治喪哀戚
悉本誠而符禮蓋有不可殫述者道光六年卒年四十
五

鞏縣志卷十四

列女志

五

經川圖書館刊

劉氏稍柴務路世傳妻年十七歸路未幾夫歿氏痛不欲
生曰夫死無子何以生爲遂商翁姑爲夫立嗣將葬請
緩期至夫歿二十一日值鄉俗元宵節氏具酒食奉翁
姑維謹及旦呼婦不應已縊死于夫柩前矣越數日與
夫同葬道光七年奉旨建坊旌表

孫氏迴郭鎮馬德新妻年二十三夫歿乏嗣事繼姑孝勸
翁納妾逾年不生復勸納妾果生子代姑鞠育成室生
子以立爲嗣馬氏門祚不墜道光十三年旌表入縣南

總坊

趙氏羅莊孫錦江妻年十七子歸五載夫故子三歲女月

餘翁得軟腳疾姑失明日爲撰杖履奉湯藥及翁姑歿
喪葬盡禮卒年八十四道光十三年旌表入縣南總坊
焦氏羅莊孫綿織妻年二十六夫故翁病痿痺氏左右就
養三載如一日壽九十而終

劉氏石關白瑞麟妻神堤劉凌漢姊幼嫻雅孝友性成于
歸後事孀姑暨伯舅伯姑皆稱善未幾夫歿氏以婦代
夫孝行周摯無子取夫堂弟子爲嗣孀姑八十餘卒喪
葬盡禮道光二十三年卒年六十餘守節四十餘年奉
旨旌表載入總節孝坊

孫氏迴郭鎮馬繪妻年十九來孀翁姑相繼歿歷數載新

鞏縣志卷十四

列女志

三

經川圖書館刊

有亦沒有叔新發十三齡家貧甚母憐其少無依欲嫁
之氏不應越三載復以爲言且曰有叔宜避嫌亦不應
及爲叔授室畢慨然曰吾所以不死者爲弱叔也今旣
成家余無事矣乃縊時道光六年六月十七日也年三
十有三教諭馬時芳評語云五年殉夫從容尤難義烈
深沈女中奇士登載節孝總坊

范氏趙心厚妻二十八歲夫亡或逼改適憤而自經救蘇
守節六十一年歿

劉氏張正怡妻年二十一夫故孝親撫孤守節三十八年
歿

李氏益家窩張嘉珪妻年十八于歸夫故守節三十餘年
歿已旌表

喬氏益家窩陳盡智妻年二十三夫歿教遺孤書丹成立
馬時芳題其門曰貞節懿範

趙氏李學仁妻道光十三年旌表贊曰早著貞節旣孝旣
勤巾幗完人閨闔懿範

董氏蔡莊馮德淵妻與繼室石賢而孝慈教子克均孫安
常讀書守道道光十四年教諭馬時芳題其門曰敬姜遺
範

胡氏張超羣妻年十八于歸三月而夫亡取夫侄爲嗣奉

鞏縣志卷十四

列女志

三

經川圖書館刊

養翁姑守節四十一年歿

祖氏小訾店閭訪妻道光十三年教諭馬時芳署其門曰
賦性堅貞節孝並著其餘事實無攷

張氏宋擇申妻年十九喪夫入節孝總坊事實無考

梅氏韓文璞妻康氏韓文瑞妻皆年十八歸韓門文璞兄
弟亡妯娌堅志守節共事舅姑每相謂曰養子宜教以
義理將來成敗責在吾輩子貢生克儉制行不苟皆二
氏之力云梅氏守節五十年康氏守節六十餘年道光
間均奉旨旌表

按此係照錄已酉志克儉究係誰子失考

白氏李生棟妻年十九遭夫喪苦節五十餘年歿已旌表
孟氏張生馨妻道光八年立有節孝坊

孫氏曹孟舉妻十六歸曹越歲夫亡撫遺腹子守節四十
餘年歿

席氏西作村吳溫謙妻青年守節孀居四十餘年歿建坊
于所居村東

韓氏莊頭陳德妻年十七歸陳越二載夫故氏痛欲身殉
或勸之曰殉夫是矣如翁姑何乃節哀守志殷勤養親
後百餘日有以再醮諷者氏曰婦人從一之道生死不
二且此心不久自明其人忸怩去一日乘姑外出遂投

鞏縣志卷十四

列女志

三

經川圖書館刊

縗死時在道光十八年年十九

白氏山陽溝呂振先妻年十九喪夫守節七十一年卒道
光十九年旌表

于氏秦鏡妻年二十二夫歿守節撫侄爲嗣卒年七十二
趙氏稍柴王玉屏之聘妻趙重輪之女年十八玉屏歿女
聞訃悲哀不已父母百計慰解許別擇佳壻女益加痛
由此飲食俱絕及病危叩所欲言曰生許王氏死仍歸
王氏可也言訖遂卒距玉屏歿僅二十六日時道光二
十四年三月也咸豐十一年旌表

郭氏益家窩王福順妻年十七夫故取兄子景清爲嗣孝

姑守節壽七十而終道光二十七年旌表

烈婦李氏常莊劉逢恩妻年十六歸劉未幾夫被鄰村尙
某毆斃氏得耗怒髮上指恨不卽時剗刃仇人腹中晝
夜痛哭聞者酸鼻踉請翁姑代夫鳴冤詎官府委蛇罪
人未得氏旣痛夫死非命兼恨仇人漏網誓殉夫同歸
地下翁姑知其意日夜伺守及夫葬月餘寢食笑語如
常意其久而淡也一日因事外出氏遂閉戶整容自縊
時道光二十七年某月日也年僅十九歲已奉旨旌表
邵氏賀文富妻十七歲于歸數日夫卒氏哀痛喪明苦守
數十年壽八十歲

鞏縣志卷十四

列女志

善

經川圖書館刊

孫氏劉樹森妻二十二歲夫歿姑衰子幼數見凌于強豪
氏婉轉支持勉鞠遺孤成立苦節三十四年歿

張氏劉萇枝妻其夫在汴作書吏氏善事翁姑姑歿翁囊
中有錢則色喜見翁色有不豫疑係囊空卽極力張羅
抑或貸諸母家以求博老人歡數十年如一日人皆稱
爲孝婦

王氏翟天鑑妾年十九夫亡閱四月生遺腹子貴成教子
耕讀壽七十餘歲

李氏賀府治妻二十八歲夫故孝事翁姑守節終身

張氏白如璋繼室年二十八夫故未幾前室遺孤又亡遺

幼孫氏撫養成人道光某年歲飢嘗出粟振鄉里守節四十餘年歿

趙氏堤東焦鼎六妻姑亡翁攜夫讀書校中氏與嬰兒家居夏月亭午某甲踰垣入因氏嚴厲難犯旋復出鄰人聞嬰兒號泣甚時有瞥見者急奔告校中翁與夫速歸見氏已倒死水器中搆訟多日罪人未得後某甲心恍惚每不自安旋投身深壑觸荆棘腸胃皆出蓋卽所瞥見者也事在道光某年

趙氏張金玉妻于歸三載夫亡氏痛極欲殉太翁慰諭之乃誓以死守嗣太翁卒里中某甲欲娶之已賄通其翁

鞏縣志卷十四

列女志

七

經川圖書館刊

姑氏堅不許強之遂投危崖幸未死昇養母家數月傷平歸孝養翁姑如故顧某家復尋前議不使婦知夤夜率眾破扉入劫掠以去閉暗室中氏披髮號呼血與淚俱求死無術乃給某甲曰必欲我從汝當告我父兄以禮行之否則有死而已某甲喜出外經營氏乘閒自經事聞奉旨旌表建坊馬時芳爲撰節烈碑

劉氏李百陶妻道光中教諭馬時芳謂其勵志青年全身白首盡節而復盡孝有德而更有功允宜旌表永楸型儀

龐氏曹林渠妻年三十歲夫亡守節數十年道光間建坊

旌表

康氏韓克芳妻二十一歲夫亡氏于榻前盟心孝事翁姑立幼侄爲嗣守節五十二年歿

鄭氏倉西李士海妻年十八歸李五載夫亡遺二孤家奇貧翁姑又相繼逝雙柩在堂藐孤無依茹痛含辛艱苦莫狀有利其嫁者百計撼搖不爲動守節三十二年卒張氏舊城東關武生李宗元妻青年孀守撫子成立道光三十年奉旨建坊一時名流多贊以詩歌

馬氏閩士文妻夫亡守節咸豐元年河南布政使司賈臻題其門曰徽音貽後

鞏縣志卷十四

列女志

五

經川圖書館刊

張氏王溝王化成妻青年夫故守節四十餘年歿咸豐二年武陟教諭焦壘以節孝可風表其門

劉氏崔金性妻年二十七歲孀居咸豐元年旌表

孟氏石板溝白錫璧妻年二十二夫亡撫孤統陽成立咸豐某年旌表

胡氏益家窩陳篤志妻年二十二喪夫遺子元端艱苦撫養守節三十年歿咸豐間旌表

王氏迴郭鎮趙雙麟妻年二十六喪夫取侄璜兼祧夫嗣守節四十七年歿

高氏迴郭鎮李二平妻咸豐間平禦擒匪陣亡崇祀忠義

祠氏年二十七有二子苦節歷四十年而歿

喬氏王明經繼室十七歲于歸越二年夫故未幾翁姑相繼逝族有某甲暴橫屢欲奪其志氏乃盡典田產養子母家子成立始歸已旌表

李氏牛復隆妻年十九夫歿安貧奉親訓子守節三十六年卒

張氏柏廟村韓錦明妻暨弟錦如妻趙氏皆以苦節著聞張十六歲來歸未幾錦明卧病張左右侍奉三年卒以不起張欲身殉翁姑勸慰之始飲泣將事嚴訓三子俾克成立繼而錦如又歿趙年甫十九悲痛更甚于張張許以次子爲嗣趙領之從此共籌事畜飲冰茹蘖終其身如一日項城王詵桂爲撰雙節碑

鞏縣志卷十四

列女志

七

經川圖書館刊

烈婦王氏米河楊洛之妻年十五于歸家貧相夫力作孝養慈親當皖匪破仙家店口村中狂奔氏負衰姑入山姑曰累爾行遲將俱死不如攜爾子女速行氏曰豈有臨難棄親者行里餘賊倏至奪姑擲道側逼氏上馬氏厲聲罵賊賊斷其右手罵愈烈賊磔之至死罵不絕聲遺七歲男一四歲女一時咸豐十一年八月十一日也年二十六歲

烈女王氏名榮姐小里河王均祿女咸豐十一年皖匪至

鞏村人驚逃女父母將攜之去女曰四面皆賊何處可
以駐足求一死足矣向井飛奔未及投而賊至逼之女
怒罵詈不屈且投之以石賊怒縛而焚之旋一賊首至
聞火燄中罵聲大驚曰烈女也呵羣賊救之已徧體焦
灼復使塗以河泥女仍極口罵賊首曰我欲生汝耳女
曰豈向汝賊求活須臾而絕賊覆土掩之時八月十一
日也年十八歲

吳氏兩河口馬清律妻年十七于歸數月值匪亂賊欲虜
之徑投崖下股折得免後其夫被虜翁閔其幼而孀也
諷之他適氏堅誓不肯然無姑無夫兄弟乃勸翁繼娶
氏操勞終身內外無閒言

鞏縣志卷十四

列女志

妻

經川圖書館刊

程氏邑東馬金銘妻皖匪至欲辱之氏投崖下氣未絕賊
刺殺之

牛氏魯村孫常清妻咸豐中被賊虜至洛岸投水死

張氏馬清琢妻被虜乘閒與小兒俱縊死

張氏趙麻喜妻匪劫之不從投井死

周氏趙遂成妻不受匪辱投井死

周氏趙書印妻匪至投井死

魏氏趙錫瓚妻匪脅辱之不從自縊死

胡氏堤東董狗妻二十五歲夫亡子女俱幼苦守終身

周氏劉百榮妻三十歲夫故遺子女各一守節三十四年卒

黃氏稍柴務監生王鵬萬妻已旌表建節孝坊事實不詳
賀氏張鳳純妻青年夫故守節四十餘年歿同治二年舉人李桂齡額以節孝兼優

李氏灘小關杜恒秀妻翁歿姑失明氏左右就養恪盡婦職咸豐某年粵軍至夫外出氏一子尙幼倉猝扶盲姑逃避棄子不顧或問之曰子可再姑一而已後子竟失蹤姑常以爲痛氏飲泣慰之曰天如不斬吾嗣將來尙有可望後果連舉二子教養成立享壽九十歲

鞏縣志卷十四

列女志

五

經川圖書館刊

石氏羅泉柴夢蘭妻年二十五夫亡守節六十年歿

劉氏羅莊孫盡妻年二十夫故守節四十年歿同治三年旌表

馬氏閻溝賀元善妻幼年孀守以終同治三年儒學教諭樊以節孝勤儉額其門

馬氏路文顯妻嫁七月而夫歿年方十八守節不二享壽七十四同治四年旌表

任氏邵蘇村邵光照妻年十八夫歿取繼子肅成守節六十餘年卒

景氏周坦然妻年二十四夫亡守節四十二年歿同治六

年旌表

翟氏申溝李永煥妻年十九喪夫子泰來方週歲撫孤成立守節終身年八十餘歿

劉氏羅莊孫清純妻同治九年與子婦席氏同建坊事實不詳

席氏羅莊孫樹德妻二十八歲夫歿咸豐三年粵軍至扶翁櫬歸葬從容如禮又取服外襁褓侄爲嗣節守終身同治九年奉旨建坊

邵氏張寶德妻青年居孀茹苦數十年歿同治十年知縣袁修翰以孝慈節壽表其門

李氏賀霖福妻年二十八夫故守節六十七年歿

孫氏蘇村劉嵩靈繼室年二十一夫故無子守節六十四年歿

丁氏劉正遇妻二十八歲夫歿撫二孤成立孀居六十四年壽九十二同治間旌表

周氏孟應辰妻二十二歲而寡取夫弟子爲嗣守節五十餘年同治間旌表

劉氏李太來妻十九夫亡守節三十五年歿同治八年旌表

馬氏焦升猷妻年十八于歸匝月夫故守節五十二年歿

同治間旌表

王氏張書啟妻適張數年夫亡守節養老撫孤同治間建坊旌表

高氏諸生牛琦繼配幼通女訓以父擇配苛年三十始歸牛甫八月夫故哭奠七日夜自經死同治十二年旌表
趙氏張遂文妻二十六歲夫故孀居五十一載歿同治十二年旌表

李氏小相李棠妻年二十三夫亡撫遺腹子奉翁姑守節六十七年歿同治戊辰旌表

王氏康店武生康道興妻年二十三夫歿取夫兄子爲嗣守節三十一年歿同治十二年旌表

鞏縣志卷十四

列女志

全

經川圖書館刊

石氏康店康榮昇妻年十七于歸逾歲而寡有叔尙幼氏奉親養叔後取叔子爲嗣年五十八而終宣統元年建坊

劉氏山陽溝武修德妻年二十四孀居姑失明事奉維謹以孝聞子千齡甫三歲守節至七十七歲歿

張氏李心廣妻年二十一喪夫享年八十有四已旌表

烈婦張氏迴郭鎮趙甲木妻其大父張星彩以孝廉訓導濟源有聞于時于歸二年夫亡家貧與姑紡績爲生一日姑不家族人某入室牽氏裾欲污之氏大罵抗拒姑

歸泣告以故且曰兒不可生矣遂自縊姑鳴之官置好
人于法光緒甲寅建坊旌表

張氏清奉政大夫牛進山妻封安人年二十四夫故撫孤
思瑛教養以終同治間奉旨旌表

高氏明月坡牛琦妻高鶴盤女嫁八月而夫亡氏悲哀過
甚鄉俗重首七前一日氏取香楮冥金置几上或詢之
則曰觀此增痛欲因首七盡焚之入夜令前室女就寢
躬自燔燒衣斬衰繼於梁次早家人始悉已旌表

李氏張循南妻咸同間因夫禦匪而死守節終身

白氏魯村孫雲岫妻少寡撫孤同治間知事袁題其門曰

鞏縣志卷十四

列女志

三

經川圖書館刊

節凜冰霜

袁氏清易鎮張端行妻二十七歲夫歿取夫弟子爲嗣守
節四十七年歿光緒元年旌表

李氏張錫三妻年二十五夫故守節三十一年歿光緒元
年旌表

張氏迴郭鎮閻增續妻年三十而寡妾李氏年十九隨氏
守節孝養翁姑氏勸翁納兩妾連獲兩男壽七十四李
氏壽七十一俱入節孝祠

陳氏邵正心妻年十七于歸事孀姑不避穢濁曲意承歡
家綦貧仰十指生活及姑辭世夫亦繼亡氏年方十九

弱孤未週欲身殉未果先是夫昆弟四人夙析箸至是復與長兄合爨吞聲飲泣求綿夫祀於一線迨子滿五齡因撫之曰從汝伯父去吾事畢矣遂自盡

郟氏羅口董天福妻年十七于歸家貧氏竭十指力助之姑老且病氏每負以如廁奉侍湯藥維謹姑嘗曰吾累汝甚無以報也氏含淚云此不及姑養子之萬一何以報爲夫亡時舅姑停柩未葬氏慨鬻田宅舉行不使弟輩分任有從侄二承祧四門貧不能婚氏痛夫後未立出資爲成室後皆抱孫氏以青年孀守享年八十七歲康氏石板溝白錫瑞繼室翁卒夫病不起囑氏以養老扶

鞏縣志卷十四

列女志

經川圖書館刊

孤氏遵遺囑苦節四十餘載歿光緒間旌表

張氏上莊丁繼瑞妻年二十一喪夫矢志苦守事親以孝聞年八十四終

劉氏郝宏澤妻夫歿氏年十九取繼子辛甲守節四十二年歿

張氏凌溝韓清桂妻年十九喪夫後四月生遺腹子守節四十餘年光緒二年卒

賀貞女武生賀青蓮女幼許字曹鳴賓年十六鳴賓故女聞耗屏絕飲食堅臥不起八日而卒夫家迎柩合葬立侄爲嗣

梅氏曹欽妻三十喪夫守節二十七年卒

徐氏曹芝妻年二十二夫故家貧子幼孀守四十餘年卒
壽六十九歲

王氏北侯席俊延妻年二十六夫歿訓孤守節三十餘年
歿已旌表

周氏席增妻年二十六夫卒守節三十餘年歿已旌表

宋貞女西寺灣張書愷之妻將嫁而書愷歿女聞耗不告
父母奔喪拜翁姑畢卽衰絰盡哀翁姑憐其幼稚女以
死自誓後翁姑歿家益貧以績紡餬口仍不給女處之
澹如道光二十七年歲凶恒數日不舉火光緒三年卒

鞏縣志卷十四

列女志

七

經川圖書館刊

曹氏劉蘇村劉正範妻年三十夫歿撫二孤以成立長子
國祿遊泮守節四十餘年歿

焦氏王溝李方甲妻年二十三夫故苦守撫孤壽七十一
而終子卓然娶路氏卓然歿路年二十六值光緒三年
歲荒自減飲食力奉孀姑取侄爲嗣完婚後不食而卒
李氏閻溝張玉魁妻年二十二夫故守節六十載而歿光

緒四年旌表

烈婦趙氏張嘴砦路文鼎繼室家貧佐夫力耕數年翁姑
與夫相繼歿氏年二十餘撫二女拮据謀生光緒四年
歲飢里有路獅子者屢欲嫁氏自肥無隙可乘佯令其

姊租居氏宅誣以竊米蜂擁向氏搜括實欲借逼氏嫁以饜風志氏自度不免夜與女抱頭痛哭遂自縊女見母之死也各解帶縊於母側時三月某日也年四十餘歲從侄某爲之合葬並附二女於塋側女一十七歲一十三歲已奉旨旌表

席氏朱廷桂妻年二十三喪夫姑老子稚守節四十餘年歿已旌表

楊氏上莊丁有妻年十九夫歿子親民甫週歲守節四十七年歿

趙氏迴郭鎮郝同心妻二十三歲夫歿爲似續計勸翁納

鞏縣志卷十四

十一

經川圖書館刊

妾未果姑亡乃娶繼姑生一子數歲而翁卒氏與姑撫養幼叔惟誠惟謹一日叔染重恙氏痛一線難延誓不欲生乘夜投井急救復甦幼叔病亦旋瘳後竟成立氏五十五歲卒

牛氏周家礮張秉哲妻年十七于歸五載夫逝守節卒年六十八親故額其門曰節凜冰霜

劉氏桐花溝張毛妻適張數月毛病故零丁苦守取夫弟之子爲嗣突有毀以蜚語者氏聞泣數行下歸語母家曰未亡人所不卽死者爲有翁姑在欲代盡孝養耳今若此吾志不遂矣與君等一見爲永訣數日後從容自

繼

袁氏益家窩張兆基妻年十八歸張夫臨婚染恙力疾親迎家人以病故營別室居之氏初尙羞涇乘閒探問病狀既而徑侍湯藥夙夜惟勤延至月餘病益不支兆基請移氏室父母不可兆基以目屬氏氏會意代請始許之昇入氏室夕亡氏嫻禮法孝翁姑守節五十五年歿路氏東作村賀鴻記妻年十七于歸生二子一女光緒丁丑奇荒翁姑衰邁家將斷炊乃鬻衣飾於旅客鴻記踵索值久不返漸知困死密邑氏年二十七聞之悲不自勝翁姑傷心相繼歿及歲豐命二子迎旅櫬歸葬一切

鞏縣志卷十四

列女志

套

經川圖書館刊

從優曰不如此心實難安也近族有名實仁者夫婦餓死氏收葬其骸骨又有石成者妻狄氏與子媳等相繼餓死氏均爲營葬並收養其遺女

張氏益家窩劉元聚妻年二十七喪夫家貧如洗苦育子女守節以終

邵氏何麟書妻年二十三夫歿守節享壽七十八鄉衆額以古井清泉

趙氏石灰廠劉湛洄妻年二十五而寡安貧育子年八十餘卒鄉里額以席草堪資

袁氏張兆吉妻年二十八而孀守節至九旬餘以壽終鄉

里額以義高懷清

劉氏盧彭妻年十八于歸未匝月而夫折取從子爲嗣節守至五旬有八卒

張氏神堤劉萬仞妻年二十九夫歿遺子二素躬爲鞠育不事姑息遇先人生忌日必潔饌以祭四時鮮瓜果非經薦不入口卒年六十有三

劉氏馬公琳妻年十八夫亡事翁姑孝翁嗜魚鄉里有獲鮮魚者必設法購置守節五十餘年歿

李氏劉慎祿妻年二十四歸劉又四年夫歿無子取侄爲嗣家貧以織紡爲業姑患痿輾轉牀蓐凡起居動靜衣

鞏縣志卷十四

列女志

七

經川圖書館刊

被飲食一惟氏是賴有時如廁或欲門外瞻覽氏則負之以行如是者十有八年姑亡喪葬盡禮節苦而孝亦純卒年六十九歲

侯氏劉全德妻年二十四夫亡遺子女各一享年四十九節守以終親族額其門曰撫孤持家

馬氏益家窩守備王振山繼室輝縣人年十八于歸振山供差河北鎮標下病故氏經營身後不遺餘力有代氏作衣食計者氏曰婦人從夫今夫已歿何衣食之足計非未亡人所宜聞也稟承父母預籌扶柩回籍事俟殮畢乘閒服毒以殉時光緒七年九月二十二日也年二

十次年奉旨給銀建坊並祀節孝祠

李氏劉大順妻適劉數年夫亡守節光緒八年旌表

邳氏鍾登榜妻光緒八年旌表事實不詳

李氏康復臣妻光緒八年旌表事實不詳

張氏劉文傑妻年二十九孀居守節六十七歲卒光緒八年旌表

劉氏張復興妻二十九歲孀居光緒八年旌表事實不詳

蔣氏增生劉開勳繼室年二十歸劉未滿百日夫逝守節光緒八年旌表入節孝祠

孫氏神堤劉建業妻年二十四夫歿取夫弟增生劉建勳

鞏縣志卷十四

列女志

六

經川圖書館刊

之子茂林爲嗣守節終身

賈氏羅莊生員孫念培繼室年二十三夫亡撫孤成立守節六十八年歿

焦氏丁敬生妻年二十三夫歿守節終身翟允之以節邁封髮額其門

魏氏董三林妻年二十四夫亡遺孤始八月氏守節孝親訓子享壽六十九歲

趙氏韓克秀妻二十八歲夫亡守節五十七年歿

張氏王成林妻年二十八居孀守節六十年歿

魏氏迴郭鎮馬德含妻年十八夫歿翁姑亦相繼逝取侄

謨爲嗣親族以志慄冰霜額其門

常氏迴郭鎮馬德裕妻于歸七月夫歿父欲奪其志氏憤
澁恒數年不歸寧紡績訓子艱苦備嘗卒年七十三崇
祀節孝

李氏任鳳鳴妻年二十六夫歿孝姑訓子卒年七十六
張氏迴郭鎮王龍章妻年二十三夫故弱叔拴心僅二歲
氏撫育成立年九十而卒

崔氏張及綱妻年二十三夫死守節三十七年歿
王氏張申芝妻二十三歲孀居守節六十三年歿

李氏白沙崔澤煥妻年十九于歸逾年生一女僅六月後

鞏縣志卷十四

列女志

完

經川圖書館刊

煥有疾氏事奉湯藥目不交睫煥卒晝夜啼泣勺水不
入口每以生不如死自憤姑疑之力加防閑不令獨居
久之氏忽言笑如常操理家務姑亦喜數日氏於雞鳴
時潛出投井死

白氏舊城內李宣德妻年二十六夫故撫孤守節三十餘
載歿奉旨旌表

巴氏南河渡薄致儼妻年二十七夫亡遺孤方四齡守節
終身歿年七十

張氏迴郭鎮趙夫玉妻年二十一夫逝守節孝事舅姑取
侄新池爲嗣七十餘歲卒

劉氏迴郭鎮趙珍妻年二十二夫亡守節二十年而卒

李氏張震西妻年二十九夫歿守節三十年而終

常氏巴溝張應辰妻年二十二而寡立繼承祀守節五十

九年歿

王氏白千祥妻嫁九日而夫折孝親立嗣守節五十三年

歿

李氏馮寨馮振甲妻年二十三夫故遺孤甫三月節守以

終

狄氏源村李銘常妻歲貢生李松苓孫婦夫素抱病結婚

之夕夫婦未嘗謀面後數日夫隨祖詣校讀書臨行入

鞏縣志卷十四

列女志

七

經川圖書館刊

私室與婦一晤未匝年夫故氏年方十七守志六十三

年歿

張氏薛長安妻年二十四夫故有幼叔撫之成立生子克

均立為夫後克均娶李氏未幾亦卒姑婦守節苦度雙

節萃於一門

王氏張鴻猷妻年十八夫歿節守至九十六歲而終

翟氏涉村李同裕妻年二十喪夫子力田甫週歲養老撫

孤守節五十餘年歿

楊氏東後莊曹書簡妻年二十四夫故撫三歲孤守節四

十年歿

孫氏侯地晉太昌妻年二十二夫歿孝敬翁姑守節三十餘年歿

馬氏荆啟妻年二十四喪夫守節三十二年歿以孝聞
李氏孝義鎮王橋東妻年二十九夫歿有子二守節五十七年歿

陳氏馮寨馮金甲妻年二十八夫故守節五十四年歿
姚氏邵金銓妻年二十夫亡孝親守貞卒年四十三歲
李氏楊路口楊鎧繼室年二十二夫歿守節享壽七十八
雷氏七里鋪張洪緒妻年三十夫亡子九江時方二齡後
爲娶王氏九江歿氏亦卒年七十六

鞏縣志卷十四

列女志

七

經川圖書館刊

王氏張九江妻年二十九夫歿子振鐸生甫數月長爲娶
聶氏年三十振鐸又亡守節二十六年卒

何氏石關白秀榮妻夫歿年二十餘矢志以終光緒十二年旌表

姚氏乾溝張魁元妻廩生姚丙臚堂妹年三十喪夫遺孤一越二年又殤取弟子忠義爲嗣守節五十一年歿

張氏黃治劉欣業妻二十三歲夫亡遺孤二親衰子幼仰
給十指至極困時則攜子沿門託鉢而志終不移卒年七十九光緒十二年入節孝祠

劉氏盧士仁妻年十八適盧三年後夫外出無耗後叔與

子相繼淪亡遺女孫二氏撫女孫成立光緒十三年旌表

尙氏石灰務張廷蘭妻年二十一夫故取侄廩生樹堂爲嗣光緒十三年旌表

張氏盧雲峯妻年二十三夫故守節四十餘年歿

趙氏霽霏村郃雲錦妻生有才藝通書算二十七歲喪夫有子三齡守節五十二年歿

劉氏馮寨馮明禮妻年十八來嬪三月夫故守節四十餘年歿

王氏西作村吳克容妻年十七于歸二年喪夫守節四十

鞏縣志卷十四

列女志

七

經川圖書館刊

年歿

崔氏芝田鎮宋鐸妻年十八歸宋三載舉一子甫周歲氏歸寧鐸與俱午後氏抱兒先返路經黑石山偶遇強暴孽袖欲污之氏大號途人聞而救之強暴逸去氏引爲奇恥置兒道左投井死及鐸至見兒匍匐井側急往抱之知氏已投井兒失乳尋殤鐸亦恚憤死此光緒十三年事也又二載知縣溫呈請旌表樹碑道左

崔氏北官莊盧士燦妻年二十五夫歿撫孤成立守節四十餘年歿

張氏盧士卓妻年二十七夫故守節弟夫妻亦相繼卒氏

收其孤兒幼女撫養成立卒年七十四

孫氏車園周松年妻幼習書史年十五嬪於周夫素病至是益劇閱四月逝世氏堅欲殉夫翁姑慰勸再四遂以奉養自任及爲擇嗣諸昆季各持異議事不協未幾翁歿氏憤立嗣不成絕粒五日氣垂絕忽張目撫姑曰兒不得復奉姑矣遂卒時光緒戊子十二月也年二十留有絕命詞

劉氏南河渡薄克謨繼室年二十一孀居葬翁姑畢而氏卒享年五十有五光緒己丑奉旨建坊

張氏清易鎮賀清秀妻年二十三孀守壽八十七而卒奉

鞏縣志卷十四

列女志

七

經川圖書館刊

旨旌表

李氏路雲章妻年二十二夫故孝敬衰親節守四十餘年歿已旌表

靳氏吳兆林妻年二十夫故守節七十餘歲歿光緒十四年旌表

曹氏南村王福忠妻年二十九喪夫守節三十餘年歿

閻氏魏同榜妻年二十而嫠遺一女奉老撫幼守節四十三年歿

魏氏韓丙珥妻年二十六孀居遺孤未週歲守節五十年歿

魏氏狄秀躡妻嫁數月夫亡氏年方十九守節孝翁姑撫
弱叔卒年五十七

劉氏于金堂妻年二十四而寡養姑撫孤光緒三年姑亡
爲營喪葬田產鬻盡苦守以終其身

曹氏白錦妻年二十而喪夫氏奉寡姑撫孤雛守節五十
二年歿

李氏益家窩陳元亨妻年二十四夫逝氏敬奉高堂卵翼
幼子守節五十六年歿

白氏曹天乙妻年二十四夫歿氏事親養孤守節三十九
年歿奉旨旌表

鞏縣志卷十四

列女志

七

經川圖書館刊

路氏張仲玉妻孀居年月不詳教諭張星彩題其門曰節
孝並芳

魏氏迴郭鎮王汝明繼室年二十一喪夫撫養前房二子
節守至七旬壽終

姚氏徐柏坡徐賢昇妻年二十二夫故姑年已邁有子在
抱孀居五十五年歿已旌表

張氏柴溝柴廷鐸妻年二十七夫亡遺子二守節五十二
年歿長子逢午甲子科武舉次逢辰武生光緒十八年

建坊旌表

邵氏柴溝柴廷蘭妻年二十五夫故遺孤一逢源入郡庠

守節四十七年歿光緒十八年建坊旌表

王氏劉廷舉妻夫亡年未三十守節養姑育孤數十年光緒十八年旌表

邵氏霽霏村胡龍章妻年十九夫殂苦節三十餘年撫夫弟奎章成立已旌表

馮氏上莊李百循妻年二十夫故翁年老患痿氏左右奉養者八年取侄春塘爲嗣卒於光緒十八年壽八十九孫氏崔鳴臬妻年十五歸崔七載夫故三月後產遺腹子振清家苦貧日以紡績餬口歿年六十有二守節四十餘年

鞏縣志卷十四

列女志

七

經川圖書館刊

趙氏李江妻年二十五夫故守節養親撫孤艱苦備嘗已旌表

崔氏李春華妻年十八歸李三載夫故守節三十七年歿李氏楊鴻業妻年二十八喪夫遺孤三齡守節以歿年六十八歲

路氏張由義妻年十七歸張次年夫歿守節享壽八十餘歲

張氏自治河劉錫田妻年十九夫故取夫兄子爲嗣孀守四十二年歿

白氏南河渡王崇禮妻年二十夫故三月後生遺腹子守

節卒年六十一歲

楊氏劉東興妻年二十三喪夫撫養遺腹愛而能勞守節七十餘年卒年九十餘光緒二十年旌表

趙氏鐵匠爐李文明妻年二十八夫歿撫育一女守節以終壽八十歲光緒二十年旌表

魏氏東侯常自秀妻年二十九夫亡守節三十餘年歿嘗捐資修村東三道橋

程氏趙魁士妻夫故守節奉旨旌表題曰節孝兼全

武氏東侯庠生任學海妻歲貢生武丹女二十八歲喪夫哀痛之餘如癡如呆目幾失明跣步必謹卒年七十餘

鞏縣志卷十四

列女志

七

經川圖書館刊

孫已成立

焦氏李家密李世榮妻年二十五喪夫撫孤守節歷五十餘年歿

張氏趙之璧妻年三十夫故謹守禮法數十年如一日夫弟之璜早卒妻曹氏二十六歲如姊俱以冰霜自勵壽七十歲從子湘三亦早逝妻劉氏年二十二矢志不二以孝聞享年五十九

任氏生員趙展妻年三十夫故遺孤景雲孀守三十一年夫弟瞻亦早卒妻李氏年二十六無子守節六十二年景雲後入庠兼祧兩祀

趙氏八陵曹振修妻年二十九夫卒守節三十六年歿
郝氏胡善光妻于歸後夫因歲荒歿於外氏年二十三撫
兩孤苦守終身

蔣氏北山口劉開勲妻年二十四孀守事親教子次子銘
新有聞於時已旌表

王氏北山口劉錫庚妻年二十九而孀守家室空匱養老
撫孤備極苦楚因勞致疾卒已旌表

張氏北山口劉潤珂妻年二十孀守後取嗣子有孫三人
鄉人額其門曰義節流芳

姚氏前莊王振德妻年二十三夫故孝親教子孀守四十

鞏縣志卷十四

列女志

七

經川圖書館刊

餘年壽七十一歲

韓氏焦嘉科妻夫故守節孝事孀姑光緒二十三年旌表
李氏諸生王太交妻交亡氏年三十翁姑憐其無依立胞
侄爲嗣節苦孝純終其身光緒二十三年旌表

陳氏武生張策勲繼室年二十二居孀孝事翁姑守節四
十七年歿儒學韓爲請旌表

康氏張鳳德妻年二十九夫亡守節以終光緒二十四年
奉旨旌表

席氏趙成妻二十八歲孀居守節五十八歲卒光緒二十
四年旌表

李氏崔福純妻嫁三月而夫亡熒熒靡依孝事翁姑堅志苦節終其身光緒二十四年旌表

尙氏石板溝白文郁妻居窟頭村十七歲于歸甫九日夫卽赴汴經商年餘病歿氏守節五十餘年歿光緒二十四年旌表

賈氏石板溝白奎光繼室年二十餘喪夫遺孤一家不中貴後子步洲入太學孫建標食餼於庠氏有力焉光緒二十四年旌表

白氏何溝何元魁妻年二十九失所天奉老撫幼矢志不二光緒二十四年旌表

鞏縣志卷十四

列女志

七

經川圖書館刊

李氏南村王廷槐妻年二十二夫故子方襁褓翁姑八旬有餘敬老撫孤守節四十年歿光緒二十四年旌表

楊氏焦長信妻年二十六夫歿矢志守節事姑孝謹享壽八十五歲光緒二十四年旌表

康氏齊治蒲妻年二十二夫亡遺孤在襁矢志守節孝事舅姑享壽八十一歲苦節五十餘年已旌表

呂氏康店監生康錫爵繼室夫歿撫孤成立事姑以孝聞光緒二十四年夜半土寇入宅劫掠家人逃匿姑年七十餘羣盜執刀杖逼問家主及金錢所在姑以聾瞶不能答氏聞變拚死往救身受刀杖傷數處復以火燒氏

頭部髮焦額爛始終依戀不捨姑幸無恙事後氏大病月餘得不死者幸耳守節以終

范氏王興福妻夫故年二十九守節五十年歿光緒年旌表

賀氏白建超妻適白四年夫故時年二十五守節三十一年歿

焦氏遂玉齡妻年二十八夫喪守節撫幼孤成立已請旌表

劉氏將軍嶺張恒裕妻年二十一夫故矢志守節養親撫孤卒年六十二歲

鞏縣志卷十四

列女志

堯

經川圖書館刊

李氏白源泉妻年二十三孀守卒年七十餘已旌表

席氏東侯常季之室居白雲山下距山頂里許年十七歸常二十夫貿易於外病故遺一女姑與叔以氏年少屢有他議氏聞而憤之姑意終不解光緒庚子元日隨村婦登白雲山禮神臨行囑女曰隨爾祖母勿累人也及至山巔徘徊崖際猛身躍下墮處去頂僅丈餘眾驚赴救又輾轉投深處而身遂壅粉矣孫孝廉友信爲之立傳

劉氏牛青臣妻年二十六夫逝守節五十五年歿已旌表
白氏石關李孝先妻年二十五喪夫有子二歲氏守節拮

据持家奉親訓子卒年七十有五

徐氏李榮枝妻年二十五喪夫孀守奉姑享壽八十有六
已旌表

崔氏白莊白玉璽妻年二十六喪夫奉姑育子守節三十
二年卒

劉氏周家礮王體胖妻年二十四夫從軍歿於外遺孤方
數月守節四十年歿已請旌表

李氏趙振鐸妻年二十八喪夫守節終身壽七十八歲已
旌表入節孝祠

郭氏乾溝張超羣妻年二十五夫歿守志四十六年歿

鞏縣志卷十四

列女志

全

經川圖書館刊

康氏石關李敬齋妻年二十九夫亡遺二子均幼氏苦守
代夫事親訓子卒年七十七

韶氏趙溝趙師顏妻年二十夫歿閏五月生遺腹子家赤
貧翁姑繼逝氏夫兄某欲奪其志氏舉刀斷左手中指
誓曰婦人之義從一而終禽獸之行至死不爲卽抱子
歸寧以避其毒撫孤成立六十年卒年八十

李氏石關白保恒妻幼從父學粗識文字於歸後孝事翁
姑年二十八夫歿遺子五齡守節三十餘年歿已旌表
孟氏張金萊妻年二十八夫故守節五十七年歿邑令旌
其門曰節堅孝純

趙氏西侯周耀南妻年二十四喪夫撫三歲藐孤孀守四十餘年歿已旌表

史氏東後莊曹鳳通妻年二十二夫歿子未週歲辛苦成節入節孝祠

荆氏西侯常洛妻歲荒夫歿氏年二十八守節四十餘年歿已旌表

李氏張光裕妻年二十七孀居守節四十一年歿已旌表
崔氏廩生端妻年二十一歸廬越六年夫亡守節四十年歿已旌表

段氏廩生焦鳴琴繼配嫁一載夫故撫子成室未幾子夫

鞏縣志卷十四

列女志

全

經川圖書館刊

婦俱歿遺幼孫一段事衰姑擲幼孫門祚賴以不絕享壽七十有五

焦氏趙木妻年十八夫亡善事舅姑貞白自守年六十三而終

章氏張元勳妻年二十九夫故守節四十一年歿已旌表
戚氏康世貞妻年二十三夫歿苦節五十餘年歿

劉氏梁有智妻年三十夫歿家極貧守節三十八年歿

武氏和義溝郅泰來妻年二十二夫歿歿後二十餘日生遺腹子玉田家極單寒扶老卹孤守節五十六年歿

常氏洛口曹龍章妻年二十五孀居撫侄事親守節四十

三年弟煥章妻魏氏夫故年方二十一節孝並著卒年六十七均已旌表

杜氏洛口曹光洛妻年二十六喪夫守節四十餘年歿已旌表

牛氏七里堡張文彬妻年二十七夫亡守節終身

劉氏李清源妻夫死守節終身光緒二十九年旌表

陳氏醴泉村劉廷蘭妻年二十八喪夫子士恭早亡妻武氏年方二十七歲長孫許洵亦早折妻李氏甫二十歲

三代苦節均孝孀姑撫藐孤光緒癸卯年請旌表

尙氏武生焦崑妻年二十七夫歿守節孝親撫孤光緒癸

鞏縣志卷十四

列女志

全

經川圖書館刊

卯旌表

李氏醴泉村劉玉璞妻年二十九孀守撫遺孤卒年七十
七已旌表

李氏張遂行妻年二十八夫亡苦節終身已旌表

孟氏謝增榜妻年二十三孀守遺孤三齡家寒苦度終身
已旌表

焦氏謝玉珍妻年二十二夫故守節養姑育孤已旌表

康氏韓克芳妻年二十七孀守立侄爲嗣卒蒙旌表

劉氏後泉溝焦士傑妻年二十五夫亡守節撫遺腹子友
諒成立以壽終

金氏盧長發妻年十八夫折守節四十五年歿鄉里以節孝並全旌其門

賈氏李景豔妻年二十四夫故越四月生遺腹子矢志守節後子孫以次成立

曹氏張卓然妻年二十四夫故事姑至孝守節五十年歿
王氏茶店劉廷燦妻光緒丁丑歲大饑廷燦謀食穎壽間
久不歸氏撫諸弟成立取弟子爲嗣守節終身已旌表
魏氏董心章妻年二十餘喪夫撫孤孀居五十餘年歿已旌表

呂氏董殿均妻年二十八夫亡撫孤守節三十年歿已旌

表

鞏縣志卷十四

列女志

全

經川圖書館刊

焦氏黑石關孟雲岫妻早孀取侄爲嗣後子與孫及曾孫均成室早亡一身撫四世孤守節六十餘年卒年八十五歲

張氏黑石關孟繼棠妻二十二歲夫故取侄廣禮爲嗣克盡婦道撫孤成立子入郡庠守節四十一年壽六十三歲已旌表

張氏黑石關孟廣仁妻年二十一孀守遺孤二歲事姑孝敬訓子慈明守節三十年歿已旌表

蔡氏黑石關孟其昌妻青年孀居矢志撫孤守節五十餘

年歿已旌表子廣思亦早亡妻秦氏能承姑志勵松筠節立侄爲嗣

陳氏黑石關周鳴琴妻早寡無子事舅姑以孝聞守節三十年無疾而卒

康氏黑石關陳虎文妻早寡遺孤鳴謙甫六歲撫之成室又早折妻葉氏年十九繼姑守節已旌表

張氏武遐齡妻年二十二夫故守節卒年四十九歲

崔氏黃冶劉延平妻年二十九夫逝守節勤育二孤六十四歲卒

趙氏塔嶺賀秀齋妻年二十五夫故守節事姑育子慈善

鞏縣志卷十四

列女志

舍

經川圖書館刊

舉尤多卒年四十餘歲

白氏石關李建祥妻年二十九夫逝撫子養親守節數十年歿光緒三十年旌表

趙氏賀浩然妻年二十夫故守節六十四年歿已旌表

荆氏西侯常仲秋妻年二十八喪夫守貧撫孤苦節四十二年歿已旌表

賀氏羽林莊袁秀芝妻年十六歸袁次年夫歿姑病焚香默禱終身茹素守節四十七年歿已旌表

崔氏新溝王永祿妻十八歲於歸逾年喪夫遺孤方六月立椎無地守節終身親族額其門曰全節撫孤享壽六

十九歲

趙氏張士傑妻十六歲歸張年餘夫亡苦守數十年歿壽八十八光緒三十二年旌表

任氏馬開勳妻年二十三夫歿守節四十九年歿壽七十一歲光緒季年旌表

牛氏白文彰妻性勤慎極意事姑而始終不懽恒引爲愧常以出繼承祧爲病促夫舉行葬事迨翁姑歸窆卽夕仰藥死時年二十七光緒三十二年旌表

趙氏張占魁妻年方二十夫因事飲藥自戕氏痛極竊飲其餘亦卒光緒間已旌表

鞏縣志卷十四

列女志

全

經川圖書館刊

孫氏周丙申妻年二十餘夫卒氏不願獨生竟以身殉教諭王錫桓以節烈呈請旌表

趙氏監生路元孺妻年二十遭夫喪欲以身殉勸慰乃止病姑年老曲盡孝養數年姑卒託其子於弟婦蕭氏遂不食而死已旌表

張氏邳維治妻年二十四夫殂貧無隴田兼乏子女依母門過度孀守數十年歿享壽七十有九

章氏張東陽妻年二十一夫卒訓子理家壽八十餘卒已旌表

劉氏吳晚妻年二十夫亡遺孤未週歲一夕有狂童踰牆

入氏閉門責之語甚激切狂童慚惡而去自是門戶加嚴防範益謹卒年五十一

王氏牛書芳妻年二十二夫喪子甫週歲矢志苦守既爲子成室旋因病歿氏一痛不起時年五十有八入節孝祠

栗氏李丙玉妻年二十一夫歿撫遺腹孤守節六十餘年歿已旌表

張氏周清和妻年二十三夫故守節取從弟子爲嗣奉親訓子以終已旌表

趙氏楊玉和妻夫死家貧撫三女成立守節五十餘年歿

壽八十四

鞏縣志卷十四

列女志

全

經川圖書館刊

王氏張夢弼妻未三十而夫亡守節五十餘年年八十餘卒

周氏滑城河史拴緊妻年二十五夫適遐方經久不歸貧窶無子取遠支子爲嗣節守六十餘年歿

狄氏蓼峪潘九海妻年十九夫故撫遺腹女養葬舅姑守節六十八年歿光緒十九年旌表

霍氏羅口閻成業妻十九歲歸閻數月夫故矢志苦守取夫兄子女各一養之光緒二十四年旌表

蘇氏八陵魏文治妻年二十九夫故矢志撫孤守節四十

八年歿

張氏南山口許朝光妻年二十四夫亡有子數齡教養成
立守節數十年歿光緒二十四年旌表

翟氏李同裕妻年二十一而寡遺孤僅七月養姑撫孤守
節五十三年歿

李氏翟朝妻年二十五而寡遺子女各一子癡家貧翁老
叔未成室衣食俱賴於氏後子夭取殿經爲嗣守節五
十年歿

胡氏崔德標妻年二十九夫故遺孤二孀守四十餘年歿
曲氏陳福壽妻年二十五夫歿守節光緒季年旌表

鞏縣志卷十四

列女志

七

經川圖書館刊

路氏羅泉魏書玖妻年二十五夫故孀守五十餘年歿

王氏夾津口李屹蕪妻年二十四夫歿撫孤子緒成立後
緒又亡婦康氏年十八從姑守節壽各六十餘歲

趙氏羅泉張一文妻年二十四喪夫節守五十餘年歿

張氏劉慎舉妻年二十二喪夫取侄長松爲嗣守節三十
五年歿

李氏淺井翟大朝妻年二十三夫歿家貧子癡孝事翁姑
守節四十餘年歿

丁氏淺井翟殿潤妻年二十五夫亡守節撫孤孝養君舅
享壽七十四歲

吉氏焦榮華妻年二十一喪夫守節六十餘年歿

焦氏李榮華妻年二十六夫外出不歸氏撫遺腹子守節四十餘年歿

劉氏王永儀妻年二十九夫故遺子女各一守節三十二年歿

薛氏雷永松妻年二十七夫亡育三子成立守節四十七年歿

李氏迴郭鎮馬書珍繼室年二十夫歿取猶子爲嗣守節五十餘年歿

張氏迴郭鎮趙復泉妻年二十五而嫠撫從子壘爲嗣守

鞏縣志卷十四

列女志

全

經川圖書館刊

節六十年歿

曲氏迴郭鎮趙秉哲妻年十九喪夫守節取從子老壘爲嗣艱苦撫養年五十而卒

李氏迴郭鎮趙克昌妻年二十九昌逝抱志守貞年四十七卒

薄氏白景明妻年二十二夫故有遺孤守節六十三年歿
王氏牛書堂妻年十九而孀遺孤一守節四十八年歿

魏氏趙文翰妻年二十二喪夫從子未週歲取爲嗣守節五十四年歿

張氏東莊李景韶妻年二十七夫故守節三十九年歿

李氏東莊楊有福妻年二十八夫卒守節四十餘年歿
李氏王坡王昭妻年二十九喪夫守節四十餘年歿
張氏東作村賀元善妻諸生錦標之婦年二十而寡錦標
於昆仲間居長氏常言長門乏嗣何以承先後爲其夫
立嗣齟齬不遂竟以不食死

王氏牛書廉妻性簡默年十八歸牛姑悍而狡氏善事之
二十二歲夫亡無子悲哀不勝言語益寡百日內未嘗
見齒姑疑其有他詈之曰欲嫁則嫁何必如此氏含羞
不語適有再醮孀婦至勸其改適氏憤其言不類其人
曰汝姑意也氏默然自此飲食頓減姑詢之答言無病
但不思飲食耳爲之調治藥不沾唇形日尪羸未匝月
而歿

鞏縣志卷十四

列女志

五

經川圖書館刊

臧氏迴郭鎮王清川繼室年二十五而孀撫前子月華與
弱孤月華旋入太學守節五十九年歿

李氏趙文漢妻年二十而孀翁姑早逝奉太翁姑盡孝以
夫從兄子爲嗣節孝終身

譚氏陳玉璽妻年十八于歸八閏月而夫歿事太翁姑及
姑以孝聞取夫從兄子爲嗣孫生兩歲失恃氏鞠育成
立鄉族同稱節孝

王氏焦仙桂妻年二十三而孀守節終身卒年壽八十餘

焦氏舉人張玉林繼室年二十八夫故取夫兄次孫西庚承祧守節以終卒年九十有五

王氏倉西潘全妻年三十夫亡孀守子紹林亡其婦李氏年二十一亦孀守卒年九十一並蒙旌表

康氏孟昭澤妻守寡撫孤卒蒙旌表

焦氏孟兩全妻早寡撫孤松齡成室松齡沒其婦張氏從姑寡守卒蒙旌表

韓氏張逢妻年十九歸張夫亡家貧撫孤事舅姑守節四十年卒蒙旌表

趙氏舊城內劉培宗妻年二十三夫故取從弟子錫瑞爲

鞏縣志卷十四

列女志

九

經川圖書館刊

嗣守節三十四年歿

崔氏盧中海妻年十九孀居守節至七十八歲卒

孟氏李登善妻年二十七夫歿遺孤二歲孝事翁姑後生孫六人守節五十二年歿

曲氏乾溝寨張超亮妻嫁數月而夫亡氏年二十勸翁納妾生子延師教讀卒年四十八歲

段氏乾溝寨張超府妻二十而孀守節終身卒年四十九歲

王氏蘇家莊祖本祖妻年二十三夫故遺孤裕祿甫週歲養親守志卒年七十二歲

孫氏蘇村趙永池妻二十五歲居孀遺孤書田書秀守節五十六年歿

趙氏迴郭鎮王秉心妻年二十一而寡守節事姑取侄建林為嗣卒年七十三

呂氏張萬霖妻年十九而寡遺孤仲友二齡姑七旬餘氏借十指奉養守志以終

康氏黑石關孟柘林妻早孀守節五十餘年歿壽七十歲丁氏黑石關孟蘭田妻年二十三夫故撫孤守節年八十而卒

路氏焦新泮妻年二十三孀居貞守終身

鞏縣志卷十四

列女志

左

經川圖書館刊

李氏張正楷妻二十八歲喪夫撫養子女以節終

喬氏張德謹妻年二十四夫故姑郭氏痛極同日亡子鳴鸞生方四月氏志堅金石敬翁教子享壽八十歲

康氏孫庚妻年十八而孀取夫弟子為嗣守節三十二年歿

劉氏牛士芳妻年二十四生一女而夫故取夫兄襁褓子撫育成立守節四十六年歿

王氏姚書題妻年二十七夫歿不出閨闈守節二十三年歿

鄭氏石板溝白文軒妻年三十時夫赴粵軍之難無子取

夫從弟子壽亭爲嗣守節四十六年歿

賀氏石板溝白鑑超妻年二十五夫歿取夫從弟子本恕爲嗣孝侍病翁守節四十一年歿

何氏梁文宗妻年三十夫故取夫從弟子煒爲嗣守節四十五年歿

梁氏白書秀妻年二十三夫亡遺孤全忠守節三十八年歿

李氏丁溝曹志水繼室適曹二年餘夫亡撫女苦守卒年六十七歲

薄氏石板溝白鏡吾妻年三十夫歿取夫從弟子三爲嗣守節三十八年歿

鞏縣志卷十四

列女志

九

經川圖書館刊

劉氏牛魁妻嫁未逾月夫折氏方十七誓死自守孀居四十餘年歿

李氏黃治劉錫寶妻二十二歲夫亡遺子延斌守貞教子以終縣令以供甘晝菽額其門

李氏劉煥新妻年十九孀居孤生始三月辛苦教養節守以終

邵氏柏坡曹永成妻年二十三孀居子生甫數月教育成立節守終身

姚氏楊六妻年二十四夫故氏悲痛過甚凝結成疾三年

病故疾革囑其夫弟天文曰未得奉親以終死有餘恨且子女幼不能視之成立語畢而卒

劉氏陳訓五妻年二十二夫亡守節數十年歿

王氏李三友妻年二十三夫故家貧子幼操持益堅府學施教授褒其門曰韓鄭遺範

李氏張錦妻年二十四夫歿遺孤授室生孫節守三十九年歿

李氏黃治劉篤厚妻年二十四喪夫取猶子子和爲嗣後籲於庠年五十卒韓桂芳以勵志冰霜額其門

秦氏黑石關孟廣思妻年二十二喪夫從子昭芳三歲失

鞏縣志卷十四

列女志

三

經川圖書館刊

恃飲食教誨視若己出後爲夫立嗣守節四十年歿

劉氏李恩妻年二十五而寡時弟天德之婦劉氏亦二十三歲喪夫且母家係近族同室守貞舉止不苟卒年均七十五歲

趙氏賀秀實妻年二十五孀居有子一守志三十三年歿

王氏吳克勇妻年十九而寡守節三十五年歿

李氏龐秀妻二十二歲喪夫守節三十一年歿

王氏路運來妻素嫻婦道值農忙留氏一人家居有狂夫越牆犯之氏自經死

王氏柏廟韓普南妻王萬選女年二十九夫歿遺女一孝

親守節卒年三十八歲

牛氏張玉印妻年十九夫故取猶子爲嗣孝親慈幼守節四十六年歿

吳氏白金旺妻年二十二于歸九日歸寧夫卽貿易遠方因病而歿守終身取萬祥爲嗣

崔氏石灰務監生張晉泰妻年二十四而孀遺孤奇杞以醫知名守節四十二年歿

劉氏費潤蘭妻年二十八孀居撫孤成室志堅冰霜艱苦終身

崔氏庠生張成功妻年十九而孀養老育孤守節四十八

鞏縣志卷十四

列女志

七

經川圖書館刊

年歿

孫氏李天福妻年二十八夫亡爲子女畢婚嫁節堅孝純以終

賀氏張錫彥妻二十二歲喪夫後三月生遺腹子守節終身以孝聞

趙氏楊三元妻年二十四喪夫苦節以終鄉人額其門曰節孝延年

李氏巴榮溥妻夫亡年未二十孝親持家守節四十餘年歿

李氏羽林莊周均元妻年二十六夫亡撫一女取猶子爲

嗣守節四十三年歿

張氏羽林莊周卓然妻年二十五夫亡子女各一守節四十年歿

王氏羽林莊周允眾妻年二十九夫亡取猶子爲嗣守節四十五年歿

呂氏張書田妻年二十二夫亡遺孤二氏敬老慈幼志節凜然及次子鳳乾早折與次婦趙氏熒苦相依歿年五十七歲

任氏趙振榮妻年二十六夫歿孝親撫孤孀守四十一年歿

鞏縣志卷十四

列女志

五

經川圖書館刊

張氏許朝瑞妻年二十三夫歿遺孤三齡節守至九旬餘以壽終

吳氏尹文仁妻年二十六孀居寡守取從子鳳池延祀族親額以闡德常昭

傅氏石灰務張逢泰妻年十九而寡誓不欲生轉念姑在堂不卽殉夫後姑歿哀毀骨立絕粒而死

曹氏李寬妻年二十八夫故節守以終

周氏核桃腦薛廷簡妻年二十四夫故遺男女各一後有孫男三苦節六十五年歿

祖氏迴郭鎮邵石柱妻年二十二柱卒遺孤未彌月撫孤

完貞年登上壽

王氏迴郭鎮趙元敬妻年二十三夫亡撫孤守貞年近期頤而卒

常氏迴郭鎮席宗樊妻年二十九寡居境遇甚苦節操堅勁卒年八十

李氏迴郭鎮王金海妻二十八歲夫亡取從子重慶兼祧捐地二畝入家廟奉祀守節五十四年歿

邵氏迴郭鎮馬正周妻生一子而夫卒氏年二十一歲奉姑養子守節五十年歿

許氏周長舉妻年二十喪夫取猶子爲嗣生孫男孫女各一後子婦相繼逝婚嫁皆出一手守節五十五年歿

鞏縣志卷十四

列女志

七

經川圖書館刊

李氏周東甲妻二十八歲夫歿取夫弟子書卷爲嗣守節終身

崔氏李金瑞妻年二十六夫歿撫孤完貞守節三十九年歿

崔氏張德華妻二十八歲夫亡守節卒年四十九
鄧氏張德儉妻年二十九夫歿守節三十三年歿

馬氏神堤張蔚宗妻年十七夫歿取夫兄子承祀守節五
十三年七十歲歿光緒季年旌表

徐氏馮克容妾青年孀守撫孤成立享壽八十鄉人以撫

孤持家旌其門

曹氏劉金瀛妾二十九歲夫逝遺孤十齡每見陵於強宗
大族氏多方幹旋遺業賴以不墜守節四十七年歿

魏氏閬陽妻嫁未旬日夫折苦節堅貞其祖姑及姑皆早
寡鄉里憐之曰一門三孀

張氏小里河王成業妻年二十餘夫卒取侄玉瑩爲嗣後
數月生遺腹子玉琦翁商令玉瑩回繼氏不可視之如
一節守至老

王氏張申枝妻嫁時夫有沈疴時年十八及暮而夫歿守
節至八十五而終

鞏縣志卷十四

列女志

七

經川圖書館刊

曹氏梁同妻年二十而寡撫幼孤守節五十餘年歿

張氏車圍賀潤秀妻年二十四夫故苦守撫孤壽終八十
四歲

吳氏周時妻青年夫亡日夜悲泣遂自縊以殉

張氏周乾元妻年十七夫故生遺腹女立從子爲嗣守節
四十二年歿

朱氏清易鎮張東鎮妻二十四歲夫亡守節立侄爲嗣卒
年五十一歲

李氏凌溝韓清彥妻二十六歲夫亡守節子甫六齡茹荼
四十餘年歿

曹氏王福忠妻年三十夫卒遺子英賢英燦守節三十七年而終光緒二十五年旌

李氏凌溝韓存財妻年二十八夫故守節訓子享壽六十七有七而終

王氏韓倉妻年十八夫亡遺孤時方四月氏一志撫養孀守五十五年歿

宋貞女八歲許字馮從諫年十八已定期結婚前九日從諫歿女聞訃悲鬱憤懣誓不欲生奩妝概付一炬粒米勺水不入口氣息奄奄至于歸日而死事聞舅姑亦悲喜交集迎柩合葬

鞏縣志卷十四

列女志

七

經川圖書館刊

張氏蘇孟春妻年三十夫故遺一女守節四十七年歿

盧氏北官莊李善繼妻二十五歲居孀家貧子女後爲子娶王氏年二十五又孀遺子幼穉王苦節貞操與姑相埒盧壽八十三歲

章氏張維清妻二十八歲夫故孀守四十年歿

柴氏李二鐫妻二十三歲夫歿遺一子二女守節三十六年歿

劉氏黑石關吳天祥妻二十八歲孀居事姑孝守節三十六年歿

王氏崔望魁妻二十六歲夫歿誨子成立守節七十年歿

孫氏劉維先妻年二十二生子金蘭夫旋亡守節子早歲入泮氏享壽七十餘歲

孫氏黃治劉公山妻年十九夫折與孀姑相依爲命姑貧招居己家甥輩多賴以成立卒年五十七無子

趙氏黃治劉錫倫繼室夫卒時年二十四矢志守節賢孝之聲溢於鄉里卒年六十五

徐氏西栗林楊泰廣妻年二十餘夫歿守節無子取侄文表爲嗣光緒四年奇荒文表鬻衣遠方本生父母相繼逝氏典鬻爲治喪具卒年八十四歲

張氏海上橋王廷齡妻早歲讀書識字年十八于歸二十一歲夫折杜門哀號勺水不入口漸瘦如柴竟以身殉遠近傷悼

杜氏李繼孟妻窟頭村人年二十九夫亡守節四十一年卒光緒三十年旌

崔氏康玉林妻年二十八孀居立猶子爲嗣守節四十年歿

張氏孝義鎮范書銘妻年二十六夫故生男甫數月姑近百歲朝夕承歡守節三十餘年歿

白氏楊莫妻年二十七夫歿有子三齡守節六十餘年歿
焦氏孝義鎮傅升堂妻年二十八夫亡守節四十餘年歿

白氏巴溝巴心書妻年十八夫故孀守三十餘年歿

李氏孝義邵喜成妻嫁三載而夫亡遺孤在襁未幾姑卒

遺弱弟一氏哺乳之使成立守節五十餘年歿

范氏王守人妻嫁旬日夫折貞居六十餘年歿

白氏李潤林妻十六歲夫夭守節五十餘年歿

張氏李玉瓚妻年十八夫亡守節六十餘年歿以孝聞

劉氏楊路口楊西川妻西柏峪劉廷俊義女庠生太和之

姊年十九喪夫守節嗣子不肖退居母家享壽六十一

歲

王氏李蘇村李周妻年十七孀守享壽八十一歲孫光裕

鞏縣志卷十四

列女志

一百

經川圖書館刊

邵氏李金爐妻年十九喪夫守節孝事翁姑享壽七十七

歲

高氏李祥妻年二十夫歿守節享壽八十歲

張氏邵溝邵振彩妻年二十七夫亡守節子維忠方數歲

教之成立六十餘歲卒

王氏牛福新妻年二十五夫故守節遺一女卒年七十歲

李氏劉玉振妻二十五歲夫亡守節四十五年歿

趙氏校清心妻年二十夫歿取猶子為嗣守節四十二年

卒

張氏校清華妻二十六歲喪夫守節四十二年歿

賀氏校清秀妻年二十夫歿取猶子央爲嗣守節三十二年歿

張氏賀恂妻張志箴女年二十三夫歿事舅姑以從子常松爲嗣守節五十六年歿光緒二年旌表

章氏張百齡妻年二十三夫亡撫孤守節七十年歿光緒十一年旌表

馬氏庠生張穎妻年二十四夫歿撫孤女孝敬舅姑夫弟夫婦雙亡遺子德華四歲養教成立守節五十年歿光緒十一年旌表

雷氏賀欽妻年二十八夫歿事姑立從子常清爲嗣守節五十七年歿光緒十四年旌表

康氏追封雲騎尉賀心廣妻年二十五以毫匪竄鞏夫禦匪被害哭泣三日不食自經急救得生事姑撫孤守節四十八年歿光緒十九年旌表

雷氏寺灣張耒妻七里舖雷奠女年二十二夫歿孀守一女姑老喪明孝養惟謹以堂侄仲友爲嗣守節四十七年歿光緒十四年旌表

賀氏白岐顯妻年二十六夫歿痛哭仰藥家人救止撫孤成立守節六十二年歿光緒二十六年旌表

尙氏白生妻年十七子歸五月夫死養葬舅姑爲夫弟成

室以從子爲嗣守節五十六年歿光緒二十二年旌表
劉氏周家礪王化傳妻年二十夫歿撫孤守節三十三年
歿光緒十七年文太守題其門曰撫孤完貞

趙氏賀長泰妻夫歿守節立從子爲嗣終身不二卒蒙旌
表

安人丁氏琉璃廟溝生員張心宅妻柏溝丁履謙女夫歿
守節撫諸孤以子祐貴封安人光緒中旌表

張氏李家慶妻年二十五喪夫守節光緒二十四年旌表
牛氏曹功妻夫亡撫孤守節四十餘年卒蒙旌表

張氏王學勤妻于歸數年夫歿撫孤養葬舅姑卒蒙旌表

鞏縣志卷十四

列女志

五

經川圖書館刊

路氏賀方妻因夫出亡事姑養子傭爨守節終身不渝

李氏李植亭繼配夫歿守節撫孤光緒二十二年旌表

趙氏芝田周東妻稍柴趙相女年十七夫故家貧紡績養
舅姑撫夫弟成立守節四十餘年歿

曲氏傅彬妻夫亡守節三十餘年歿

孫氏八陵曹渠妻夫亡守節年六十餘卒

張氏王道凝妻年二十餘夫歿守節撫孤舉人李桂齡題
其門曰荻書遺範

孫氏張思任妻早寡守節四十餘年歿進士王又曾題其
門曰節重修史

魏氏迴郭鎮李錫田妻夫亡守節以終親族額其門曰瑤池冰霜

曹氏迴郭鎮馬書圖妻年二十餘夫歿守節撫孤成立武舉邵青山題其門曰松操鶴齡

祖氏迴郭鎮李登善妻夫亡守節以終舉人李瀛仙題其門曰柏舟貞操

閻氏李百發妻年二十餘夫歿守節以終訓子讀書張自省題其門曰靖節貞慈

劉氏范光遠妻年二十九夫歿守節撫孤鄉族額其門曰德媿孟姜

鞏縣志卷十四

列女志

夏
經川圖書館刊

康氏范芳遠妻夫亡撫孤事舅姑守節二十二年卒

邵氏迴郭鎮監生趙居東妻少寡守節以終進士趙敏題其門曰松姿筠操

李氏焦灣焦俊妻年二十四夫亡守節四十六年卒

武氏二十舖李嵩生妻年三十夫歿守節四十四年卒

李氏漢果園周東甲妻夫歿守節有女纔四歲躬操薪水孝事舅姑年五十一卒

孫氏申玉柱妻少寡家貧守節舅抱遺孤泣氏則曰勿泣媳紡績猶可度日決不忍捨老幼墮家聲也歷盡艱辛卒年八十七

王氏曹蘇村曹茂林妻年二十二夫歿養葬舅姑子樂義歿與媳邵撫孤孫守節終身

馬氏劉又坦妻夫歿撫孤守節四十四年歿

馬氏米河張老潤妻歸張日卽服麻衰送葬舅姑未幾夫亡爲姪成室姪亡與姪婦守節撫姪孫成立始終不渝

王氏張清德妻年三十夫歿孝敬舅姑守節三十八年歿

邑令李題其門曰節孝慈壽

崔氏牛金銘妻年二十夫歿撫孤守節五十年歿

李氏張玉珍妻年二十九夫歿一子二女紡績事舅姑子歿立繼孫守節五十年歿

鞏縣志卷十四

列女志

頁四
經川圖書館刊

王氏米河馬世奇妻夫以皖匪殉難守節不渝

李氏北侯董黑妻光緒三年夫亡在外守節終身卒年八十餘

張氏瑤嶺賀茂樓妻年饑夫歿子纔五歲或勸嫁哭而斷髮死守以終

柴氏劉雲瑞妻夫歿守節撫孤卒年九十三齊太守題其門曰志凜冰霜

李氏和義溝張禮三妻夫歿撫孤守節終身光緒中旌表

康氏劉慎敬妻夫歿守節撫孤事姑終身

盧氏王保妻夫亡守節姑老喪明終身孝養

馮氏王樹德妻廩生馮潤庠妹年十九而孀取從子溫良爲嗣因芝田東門外下臨深壑不能行車乃出資修築以便行旅己守節三十年

趙氏韓振翼妻于氏振翼側室夫歿乏嗣趙年四十二于甫二十矢志共守施家廟地十餘畝以供歲祀族黨額其門曰閨中希文

趙氏琉璃廟溝張宏遠妻宏遠幼癡不辨菽麥父以罷婚意達氏家氏父商之女女曰許字禮也不慧命也能保來者之不癡乎執不可及于歸後恪守婦道不數年夫歿遺孤輝明與弱叔俱幼已析居令復合爨治家教子

鞏縣志卷十四

列女志

五

經川圖書館刊

不遺餘力臨終以修家祠設義塾諸善舉諄諄囑後人卒年七十有九

李合貴妻

氏

其捐地十畝作喂羊莊義塾之費

袁氏韓百祥妻早孀捐地八畝於玄壇廟

里氏李興讓妻青年寡守以所積資修涉村南坡路至窄糧坑需錢頗巨有記事碑

劉錫雲妻

氏

年二十五孀守撫孤卒蒙旌表

康氏趙清川妻早寡事舅孝撫子宣德沒又撫從孫爲嗣守節以終光緒八年邑令題其門曰節孝賢慈

張氏劉潤堃妻二十六歲夫歿遺孤一守節五十四年歿

王氏卜雲健妻二十五歲夫折立嗣子娶婦抱孫守節三十五年歿

馬氏亞溝李光裕妻年二十生子金錫甫八月夫歿時疫癘流行翁姑亦相繼逝獨支門戶守節終身

張氏茶店張書敬妻年二十七夫卒遺女一立從子純欽爲嗣守節以終

趙氏閻二元妻年二十夫歿孝事翁姑守節六十餘年卒
馬氏王莊王增益妻年二十夫歿取猶子爲嗣苦節五十餘年歿

劉氏李坤妻年二十三生二子一女而夫亡翁姑疎於理

鞏縣志卷十四

列女志

夏

經川圖書館刊

家田產蕩然氏攜子女育於母家及翁姑歿弟婦與住宅氏聞而恚甚曰贖宅無期歸家無日矣夜間操刀自盡時年三十九

馮氏和義溝常清芳妻年十九而寡取嗣子建元守節四十七年歿

李氏樓子溝張名佚妻孝事翁姑夫死守節終喪投繯死

范氏後泉溝焦明妻嫁數日而夫亡年僅十六孝親守節以終

曲氏堤東路振家繼室年二十于歸越四載振家病歿氏痛不欲生旣念身有遺腹留以有待比三月果舉男氏

慶夫有後事翁姑極意色養翁卒後伯仲析爨輪養姑年九十餘性嗜雞魚每飯必曲爲營致以博親歡歿而後已宣統二年奉旨旌表又四年卒享壽八十有六焦氏楊正君妻年二十五生一女而孀取從子天書承祧守節四十餘年卒縣令林裕燾以貞孝流芳旌其門曹氏和義溝張西軒繼室年十九來歸半載夫歿屢欲自戕以殉皆被家人窺破志不得遂乃遵舅命立姪爲嗣恪奉舅姑夙夜不懈及姑歿大檢畢氏忽於午前仰藥見者訝其狀旋得其情兒孫環跪求解氏曰吾志已定愛我者勿留我於是勺水不入口至酉時隨姑長逝矣

鞏縣志卷十四

列女志

五

經川圖書館刊

享年五十有五

閻氏堤東路雙修妻事姑盡孝能得歡心青年死姑哭之慟人問故曰自爲吾家婦未嘗忤吾意吾多病長年事奉無少懈無論言語輕重悉應以和顏悅色有時過於勞瘁不便操作見吾欲有所爲必黽勉以代雖甚苦楚不令吾知甚有手足並行爲吾將事者吾憐而止之仍勤劬如故彼寧自苦不忍令吾不安及疾革掩泣曰誰代吾事姑者此言出諸姑口其賢孝可想

李氏桑家溝王元進妻年二十五夫故守節三十四年其孫樹基歿婦郭氏亦年二十五守節四十三年均歿

姜氏姜家溝曹天貞妻青年守節勤儉治家念村中多失學慨然鬻莊基建立義塾俾單寒子弟得以肄業復捐地四十畝作塾中常年經費擇耆老四人經理之壽八十餘而終密縣進士翟允之額曰德被童蒙別有碑紀事

路氏西侯村周德海妻年二十五喪夫無子守節繼嗣光緒三年捨飯繼貧又施義地一段葬無歸者

常氏負郭劉正敵妻嫁數載卽孀居守節取夫兄子爲嗣鄉人稱述至今

侯氏茶店張振德繼室汜水侯四女年二十三生一子而

鞏縣志卷十四

列女志

夏

經川圖書館刊

夫亡合前室子共六衣食教誨守節終身

劉氏七里舖雷殿楹妻年十七于歸逾年生子甫月餘夫病不起撫子文潮成人爲娶呂氏僅七月文潮又故呂與姑劉轉相藉慰劉壽七十三

陳氏雷文治妻年十九夫故守節取夫弟文昭子東震爲嗣卒年四十三歲

牛氏七里舖雷啟嵩妻年二十八喪夫守節有子三人卒年五十五歲

劉氏盧樹林妻年二十四而孀立從子爲嗣守節三十九年歿已旌表

劉氏李焱祿妻年十九夫故上事祖姑暨翁姑守節三十七年歿

姚氏虎山坡王成妻二十六歲夫折遺孤四齡孀守四十九年歿

楊氏曹河李明秀妻年十九夫夭孝事病姑取侄魁隆爲嗣守節五十四年歿

白氏和義溝李玉琪妻年二十四夫歿守節五十三年歿以孝聞

康氏神堤劉文琳妾年二十三文琳卒嫡生一女無子有諷其再醮者則以安命應之壽七十餘歲

鞏縣志卷十四

列女志

夏

經川圖書館刊

葛氏張正修妻年二十七而寡取從子乃展爲嗣節守老民國

曹氏迴郭鎮王丁巳妻二十一歲夫亡取弟子站住爲嗣守志五十年歿

孫氏迴郭鎮陸平妻二十八歲居孀守節四十年歿

趙氏迴郭鎮王盤妻年二十二夫亡孝事翁姑守節三十三年歿

姚氏迴郭鎮王秉智妻年二十五夫故撫二子成立孀守五十三年歿

祖氏迴郭鎮邵小準妻二十二喪夫取猶子宗海爲嗣守

節五十一年歿

鍾氏曹欽銘妻鍾世隆女年十九而寡守節五十三年歿
李氏蔡莊馮世勳妻二十三歲夫亡敬奉孀姑撫育三孤
守節四十七年

徐氏蔡莊馮潤溥繼室年十九歸馮百日夫歿孝事孀姑
撫養遺孤守節四十餘年

王氏宋翰周妻年二十九喪夫夫與伯氏皆無子乃取從
侄爲嗣守節四十餘年

張氏神堤劉繼先妻二十六歲夫歿未幾子又夭折守節
四十三年卒

鞏縣志卷十四

列女志

五

經川圖書館刊

胡氏清易鎮任襄妻年二十六夫故撫孤成立守節六十
一年

劉氏孝義鎮傅根妻年十九于歸值光緒三年歲荒根謀
生外出久無耗家貧苦度有勸其改適者默不應嗣翁
歿殯葬後夫忽旋里時在光緒八年因家計窘迫翌年
又赴陝傭工又五年卒於陝氏聞拮据歸旅櫬又收養
子辛酉承祀二十四年雨水成災氏攜子乞食養姑以
終守節四十三年

李氏劉錫勇妻民國四年立有賢孝坊事實不詳

賀氏劉萬金妻二十九夫歿遺二子一女光緒丁丑歲荒

備嘗流離之苦守節至九十五歲以壽終

白氏神堤劉海瀛繼室年二十一歸劉未兩月夫歿前室遺孤尚在襁褓殷勤拊畜稍長教之讀書冀承世澤距既冠後孤遠殂喪遺弱孫不滿週歲氏悲痛悽惻仍以曩昔育子者育孫詎料遭際乖舛孫甫弱冠又復夭折三十餘年茹苦含辛艱危備嘗而氏之心力交瘁矣民國元年逝時年五十有七

謝氏范書鐸妻年二十二夫故守節四十六年歿

牛氏曹嵩桐妻年十九而孀守節四十六年歿

章氏張清懷妻二十六歲夫亡守節撫孤卒年八十一歲

鞏縣志卷十四

列女志

五

經川圖書館刊

已蒙褒揚

王氏柏廟常法中妻年二十八夫故子三清蘭清桂清筠氏民國三年卒守節四十三年

王氏趙城李鎖妻年十七歸李年十九夫亡撫孤孝舅姑守節五十四年年七十三卒

劉氏桑家溝楊文淵妻年二十六夫亡撫孤守節六十年卒

白氏張若儉妻二十八歲夫故守節三十六年歿已蒙褒揚

崔氏李長泰妻二十七歲夫外出無耗立從子爲嗣守節

三十七年歿

劉氏羽林莊袁連三妻年二十喪夫立從子爲嗣守節四十餘年歿已褒揚

崔貞女西栗林楊天清之聘妻未婚而天清歿父母秘不以告氏微聞之跣白父母願歸楊守貞父母不許又強字某氏見聘物痛甚是夕欲自縊觸母不得遂乘閒投井死時民國七年七月十日也時年十八遂與天清合葬

謝氏瑤灣張集慶妻陳留縣謝懷德女二十八歲居孀一子文清守節三十三年卒已蒙褒揚

鞏縣志卷十四

列女志

三

經川圖書館刊

魏氏傅新年妻民國十一年秋土寇來自登封執其夫脅氏行氏抗拒而死

孫氏益家窩儒童劉元愷妻羅莊孫德魁女女誠修明年二十五喪夫逾月生遺腹子克顯守節孝舅姑卒盡哀禮旋以夫兄蕩家離居貧自力衣食或勸何苦立叱去既家中興教孤學遇貧難子寡尤加矜恤遍樹先墓碣哭而病卒年五十七守節三十二年孟津許鼎臣爲之傳民國五年褒揚十一年建坊時有感泣欲死者族孫

火炎婦陳氏

陳氏益家窩劉火炎妻陳得義女年十七歸劉性慤直家

貧夫船商連舉一男一女年二十八夫故姑欲嫁之度不從與媒議定僞言備膳使從往比入門主人強氏釋服更新妝氏驚悟號哭奔出得人助踉蹌而歸至家仰事俯畜不計前嫌迨姑死葬女配男婚又幸抱孫一夕井曰畢無言赴洛岸幽深處投凝冰中以死年五十時民國十七年十一月事也越日子建隆奉屍歸殮啟笥送終衣物罔弗潔備乃歎氏死志早決云

吳氏集溝白廷魁妻年十七于歸數月夫歿立胞姪萬祥爲後守節至九十一歲卒

李氏塢羅崔成見妻年三十夫亡守節四十一年歿

鞏縣志卷十四

列女志

三

經川圖書館刊

孫氏清易鎮張書堂妻年二十二喪夫取夫兄子木振爲嗣守節以終

吳氏常兆慶妻年二十四喪夫遺孤一訓誡謹嚴守節六十五年卒

楊氏張溝張妞妻二十一歲喪夫月餘生遺腹子守節以卒年九十二

楊氏李松彥妻生員楊文表妹二十四歲夫歿遺子女各一守節三十餘年卒

任氏堤東路石成妻年二十三喪夫子德一方週歲撫養成立守節六十餘年卒

李氏迴郭鎮王建中妻年十七于歸逾年夫歿立從子學
爲後守節四十餘年歿

周氏清易鎮張波妻年二十五夫亡取姪爲嗣守節四十
七年歿

李氏劉欣耀妻年二十二夫故取夫兄子女各一撫養成
人姑患瘵三年不離左右守節四十二年歿

周氏劉克濟妻年十九喪夫取猶子永祐承祧永祐僅歲
餘後爲娶趙氏旋永祐夫婦又亡氏撫弱孫成人年七
十而歿

李氏邵溝劉復全妻二十六歲夫卒守節四十餘年歿

鞏縣志卷十四

列女志

五

經川圖書館刊

王氏張仁妻迴郭鎮王秉秀女二十八歲喪夫守節四十
四年歿

張氏朱立賢妻年十八夫亡守節四十六年歿

劉氏尙窟霏尙玉成妻年二十六夫亡守節四十年歿

趙氏魏訐謨妻年二十九夫歿妾王氏生有一子一女妾
亦旋歿趙氏撫子女成立守節三十餘年以終

鍾氏舊城內劉慰宗妻嫁六載而夫卒矢志苦守取夫姪
錫珪爲嗣壽近期頤而卒

劉氏柏廟張敬祥妻劉欣冉女年二十七夫歿撫孤林清
守節三十六年歿

牛氏水浴溝張文斌妻年二十八夫故守節四十三年歿
蘇氏孫寨趙勳華妻二十七歲喪夫遺女三立從子爲嗣
守節四十一年歿

曹氏石關白源浩妻年二十六夫歿立從子爲嗣守節二
十年歿

孫氏黃冶張華棣妻十八歲于歸越年夫終無子守節四
十三年歿

張氏金口曹嵩堯妻年二十三生一女而夫逝孝事姑章
取夫兄子作礪爲嗣孀守五十四年歿

周氏李永祿妻年二十喪夫守節至七十一卒有孫名純

鞏縣志卷十四

列女志

聖

經川圖書館刊

李氏念子莊徐穩成妻年二十七值光緒丁丑饑有子三
人艱於度日夫攜物出亡守節五十四年八十一卒

曹氏灘小關杜春棠妻年二十八夫故事繼姑以孝聞守
節四十年歿

趙氏周東妻年二十五于歸歷九十日夫歿親老叔小鬚
以當門守節五十二年歿

焦氏賀良才妻年二十一夫故翁亦前月辭世氏哀痛不
食者數日繼念姑老叔稚不忍遽棄但悲泣不時飲食
漸減竟然物化距夫亡不及六月病革時痛哭日中途
舍姑實非本心歘歔再四目竟不瞑

楊氏上莊丁明心妻年二十六喪夫生遺腹子慶撫孤守節卒年六十三

張氏馬長順妻二十八歲夫歿取夫兄子科舉爲嗣守節五十七年歿

王氏路修齊妻年二十五孀居取夫弟子志端爲嗣孝親訓孤守節以終

孫氏李增美妻年二十五夫歿乏嗣守節三十五年歿

劉氏馬子漢妻年饑夫亡備饗養子卒完其節

王氏益家窩杜薰南妻年二十八夫亡守節四十二年卒
民國十一年知事毛龍章褒其門曰節孝兼優

鞏縣志卷十四

列女志

真

經川圖書館刊

李氏邵溝劉福全妻年二十六夫死家貧姑老紡績撫孤守節六十餘年卒民國四年褒揚

章氏董陵張德進繼室年二十八夫亡三月生遺腹子學太守節三十六年投井死民國七年建苦節坊

焦氏張成貴妻年二十一夫歿家貧紡績度日事舅姑極孝邑令劉題其門曰貞孝永垂卒年八十六

白氏寺灣蘇全義妻年二十五夫故撫孤事姑以孝聞守節六十年卒

趙振威妻佚其氏年十九夫亡守節撫孤卒年七十餘

李氏崔仙學妻年二十夫亡守節事舅姑鄉里稱之

趙氏孟炳塋妻早寡撫孤守節卒年七十餘

張氏八陵曹廷妻以匪夜突至脅辱撲池死年二十一

王氏堤東路三妻以夫夜宿市舍族某潛入其臥室脅辱力拒被殺

李氏神堤張兆瑛妾字素貞陝西長安縣李春榮女年十八歸張值舅病湯藥胥賴之其後從夫新鄉防次夫死御柩抵家將夫貽金授正室仰藥死年二十七

焦貞女年十四父摯許字尚鑑先未婚鑑先客死聞耗哭奔誓死守舅姑弗許令還母家七日不食死年十八其後八年夫族爲立子迎柩與鑑先合葬

鞏縣志卷十四

列女志

七

經川圖書館刊

宋氏馬塢欄馬景堂妻益家窩宋其昌女年二十五夫亡家貧守節撫孤成室撲溝而死年四十四

秦氏益家窩張福妻年十七歸張五十三日夫歿事舅姑無違守節二十年投井死

孫氏馬德純妻早寡撫孤守節四十八年歿

李氏崔潤妻年二十六夫歿將殉或勸止之養葬舅姑卒完其節

范氏柏溝嶺李有林妻年二十五夫故苦守卒年六十餘親族額其門曰志節完貞

王氏周汝哲妻年二十夫夭勸翁納妾延嗣卒年八十五

趙氏益家窩劉元卿妻年二十五夫亡撫孤守節五十七年歿

牛氏趙胡雲妻年二十二喪夫撫夫弟子爲嗣事老拊幼苦守清貧歷七十載現年九十有二

孫氏凌溝韓甲申妻年二十九喪夫收夫弟遺男撫養成立守節六十餘現年九十歲

王氏周德光妻年二十九夫亡守節現年八十五

韓氏姜溝姜庚申妻年二十五夫亡守節現年八十五

魏氏迴郭鎮邵玉振妻年十八夫故無子守節六十八年現存

鞏縣志卷十四

列女志

夏

經川圖書館刊

王氏西作村吳清彥妻二十九歲夫故守節五十餘年現年八十三

劉氏盧士信妻二十八歲喪夫撫孤守節操持家務現年八十一已旌表

尙氏張河清妻年二十九夫逝守節訓子現年八十一

崔氏益家窩郭慶妻年三十夫亡守節撫孤現年八十歲

賈氏馮長義妻年二十五夫逝礪志奉親現年八十餘

呂氏羅泉柴三妻年二十二夫亡守節爲夫立嗣現年八十

十

邳氏張泰林妻二十九歲夫逝家室蕭條遺子幼弱附居

母家現年八十

李氏羅莊經炎上妻年二十夫亡孝以事親取夫兄次孫湖爲嗣孫守節至七十八歲現存已蒙褒獎

劉氏小黃冶崔成身妻二十七歲夫歿養孤守節現年七十九

盧氏李清良妻年二十七夫亡守節翁老子幼事集一身現年七十八

李氏上莊貢生田淞清之子春泰妻也年二十四夫亡守節撫孤有年已娶婦得孫矣未幾子孫俱歿與孀媳相依爲命現年七十八歲

鞏縣志卷十四

列女志

五

經川圖書館刊

李氏裴家峪趙文漢妻年二十三夫故撫二女以堂姪爲嗣營葬舅姑守節五十三年現存

王氏柴溝柴廷桃妻二十六歲夫亡取夫兄子河清爲嗣守節五十一年現存

劉氏陳廣壽妻年二十五生一子而夫歿撫孤成立子婦又相繼逝遺一女孫守節五十一年現存

孫氏迴郭鎮邵文炳妻年二十四喪夫取從子爲之成室婦旋亡遺一孫氏育孫成立娶陳氏生曾孫庚申而孫

又歿氏慰陳氏抱曾孫飲冰茹蘖守節五十餘年現存
崔氏龍尾白源居妻年二十夫歿撫孤孀守五十六年現

存

趙氏益家窩劉海堂妻年十八于歸三月夫故安貧奉姑
取從子爲嗣守節四十九年現存

康氏劉淑鳳妻二十八歲夫歿守節遺孤僅月餘現年七
十六歲

李氏涉村裴臣妻二十四歲夫亡守節現年七十五歲

柳氏迴郭鎮康永貞妻年十九喪夫光緒丁丑歲荒翁姑
相繼歿家極貧移居母門苦守現年七十五

崔氏白沙郭應南妻年二十五夫亡子捨四歲氏奉翁姑
及伯父母鄉里稱其節孝兩全現年七十五

鞏縣志卷十四

列女志

三

經川圖書館刊

張氏王堂妻二十七歲夫亡守節撫幼子成立現年七十

四

侯氏尙根三妻二十四歲夫故撫孤孀守四十年如一日
現年七十四

李氏桑家溝王心有妻年二十五夫卒守節四十九年

董氏羅莊增生孫友玖妻舉人董以威女年二十九夫故
撫孤紀瑞紀邦紀畬成立嗣紀瑞歿其子鼎建亦歿氏

撫循孀孤守節四十三年現存

范氏焦友明妻二十三歲寡居守節現年七十四

張氏孝義鎮李朝獻妻年十八夫歿守節五十六年

多現年七十餘

牛氏曹萬選妻年二十三夫歿取夫弟子爲嗣現年七十餘

張氏白鶴鳳妻年二十二夫歿孀守養子未幾子又早亡現年七十

劉氏牛人和妻年二十七夫卒孀守養子未幾子又早亡現年七十

韓氏曹得水妻二十五歲夫故守節現年七十

李氏姚技輪妻年二十四夫亡守節現年七十

薄氏劉延年妻二十七歲夫亡守節現年七十

鞏縣志卷十四

列女志

三

經川圖書館刊

王氏蘇村劉文林妻二十一歲夫亡子枝生甫旬餘守節數十年現年近七旬

劉氏尙廷奎妻二十五歲夫歿耕織以養兒女現年六十九

鍾氏灘小關劉淑元妻年二十八夫故未幾產遺腹子守節撫孤現年六十八

吳氏灘小關張子彥妻二十八歲夫卒姑老叔幼事親理家後爲叔成室繼取其子爲嗣現年六十八

王氏南河渡張續渠妻年二十八夫亡無子紡績養親守節三十九年現存

周氏清易鎮張慎言妻二十四歲夫歿取姪爲嗣現年七十四

蕭氏李有妻年二十七夫歿無子以孝稱現年七十四
路氏袁秀玉妻二十六歲夫故取夫兄子承嗣現年七十
三

馬氏李貫三妻年十九夫歿子生方數月矢志守節卒年
七十夫弟銘三娶王氏二十二歲夫歿守節四十六年
其子克欽妻任氏嫁七載而夫亡訓子成立現年七十
三

劉氏楊新家妻年二十一夫夫守節現年七十二

鞏縣志卷十四

列女志

三

經川圖書館刊

周氏東侯常建本妻二十九歲夫故守節現年七十二歲
已請旌表

姜氏洪河劉立妻年二十七喪夫子生甫數月守節撫孤
上事癯姑二十年現年七十二

陸氏羅莊孫兆妻年二十于歸六閱月夫歿取夫弟水清
子爲嗣節儉孝慈現年七十二

趙氏韓克本繼室二十一歲夫折志節堅貞事親教子現
年七十餘

閻氏虎坡村廩生吳崇仁繼室年二十五夫歿門內蕭條
氏守節紡績佐前室子炳炎讀書炳炎中鄉魁氏力居

賀氏趙海妻二十八歲夫亡守節三十年現存宣統二年
已蒙旌表

焦氏羅莊孫友文妻年三十夫故姑老喪明氏左右就養
撫孤紀雲成立守節三十七年現存

周氏清易鎮李二拴妻初童養姑家年十九成婚十載夫
歿有遺腹子撫孤成立現年六十八

武氏李占妻年二十六夫亡遺孤方二歲及成室後子天
偕媳苦守現年六十七

趙氏迴郭鎮李紅羔妻年二十五夫故取從子爲嗣守節
四十餘年現年六十七

鞏縣志卷十四

列女志

三

經川圖書館刊

崔氏趙同增妻二十六歲夫歿事姑至孝守節三十餘年
現年六十餘

路氏焦新弁妻年二十三夫故厲操紡績現年六十五

李氏賀維賢妻二十一歲夫故遺孤二齡矢志守節現年
六十四

劉氏黃治白鳳鳴妻年十七夫夭守節性篤孝能得繼姑
歡取夫弟子爲嗣現年六十四

侯氏集溝費金海妻年二十四夫卒時有遺腹未幾舉男
氏奉親撫孤守節現年六十三

謝氏神堤劉維清繼室年二十九夫亡氏艱苦度日鞠子

鎮岩成立大節愼然現年六十三

劉氏神堤任居讓妻年二十喪夫遺孤同化甫週歲訓子
守節現年六十二歲已褒揚

張氏舊城內竇心彩妻年二十九夫亡撫孤守節三十四
年現存

喬氏孫書潤妻年二十二夫亡無子立繼子文旺教養成
立守節四十年現存

白氏石板溝鄭鴻禧妻年二十六居孀撫猶子成立守節
三十六年現存

孫氏張乃允妻二十八歲夫故守節遺一子教之讀書現

鞏縣志卷十四

列女志

高

經川圖書館刊

年六十一

劉氏張正傳妻年十八來歸未十載夫故守節現年六十
李氏黃治劉公選妻二十八歲夫歿守節撫猶子如己出
現年六十

朱氏李益桂妻十七于歸越年夫故守節數月後獲遺腹
子現年六十

周氏喬維奇妻年二十二夫歿守節遺女一姑八旬餘舉
動賴氏扶持現年六十

宋氏張俊三妻年十八于歸次年夫折守節取幼姪鞠養
成立現年五十九已旌表

張氏宋長壽妻年二十三夫歿守節現年五十七

李氏白福常妻年二十五夫故十指餬口守節三十年

劉氏迴郭鎮閻川妻年二十五喪夫事姑極孝守節二十八年現存

李氏迴郭鎮仇曦妻年二十三夫故守節三十三年現存

馬氏蔡新甫妻年二十八夫歿無子立志守節現年五十

餘

孫氏迴郭鎮李有林妻年二十九夫亡撫孤守節二十年

現存

賀氏李明道妻年二十一孀居有子如梅守節二十六年

鞏縣志卷十四

列女志

五

經川圖書館刊

李氏黃治趙振德妻十九夫歿無子守節現年五十六

朱氏迴郭鎮趙同堂妻年二十四夫歿艱苦撫孤現年五

十五

逸氏七里舖曹德妻二十一歲夫故後取夫弟子承祀現

年五十四

符氏崔希仙妻歸崔七月夫歿守節四十餘年

康氏許學妻年十八而孀守節四十年現存

王氏李永聖妻二十二歲夫亡取夫從兄子振為嗣守節

三十七年

李氏李恒秀妻年二十餘夫歿姑病醫言宜食熱性肉遂

將股割烹以獻

趙氏迴郭鎮李悟妻父歿母老失明且病值戰團募兵使弟逃獨侍母疾不去

陸氏迴郭鎮趙敏旺妻事舅姑以孝聞母老且獨所居離里許日三饋食三十餘年雖老不使代

王氏張洪敏妻秦氏張洪聰妻出資鑿義井以濟一村鄉人感之額其門曰登利鄉間並樹碣以誌其行

祖氏迴郭鎮李毛妻光緒丁丑歲祲施棉兩千斤救濟一時子名西崖

